

浙江通志 百三十五

物產三十五

漢書門			
二	三	五	二
九	〇	函	號
二	〇	冊	架



內閣文庫			
二	九	〇	函
二	三	五	二
一	〇	冊	架

內閣文庫			
番號	漢	2352	
冊數	120	(42)	
函號	232	48	



勅修浙江通志卷一百一

淺草文庫

物產二

嘉興府

嘉禾

至元嘉禾志序嘉禾在春秋為檇李吳黃龍三

禩以禾生由拳野故名

至元嘉禾志是郡號為澤國原野衍沃田宜麥禾陸宜麻


豆其他有資於民生日用者煮水成鹽種蘆為薪地饒蔬茹水富魚蟹而已至若草木禽獸果實藥品之類亦他郡所有絲綿絹帛視茗雪則次之

稻

萬歷嘉興府志地宜稻其品香粳稻粒瘦長雪色

味香甘又名紅蓮稻紫芒稻紫殼白粒雪裏揀色白

粒大稈軟有芒蘆花白即晚白稻早白稻中秋熟皮



芒白米赤揀選稻色微黃鵲不知秋初熟又名麻子

烏海鹽縣圖經凡種稻先擇種立夏糞秧田浸種浸

前為徽時多雨墾田平之又錄之且糞之乃拔秧

之無雨則澆水為之用桔槔其糞也以猪灰以豆餅

或以草入之河泥爛而用之栽秧二十日乃澆澆以

木板叢釘於上柄以長竹以疏苗之行令根易行也

又五六日乃耘耘者去草也爬苗之助置所去草於

下助糞力也耘凡三再耘為下農一之多第矣耘之

服日馬日澆曾曰臂簾曰指籬皆以竹為之苗葉利

懼傷膚也跪而耘膝故無蔽多傷矣稻水種也天澤

未易常微桔槔力居多惟立秋前十日宜稍乾之令

根固餘日水晝夜不得之絕收穫多寡壹視澆水勤

惰凡稍處暑而胎白露而秀秋分而秀齊寒露而盡

實霜降而黃立冬盡刈矣刈稻有鐮形如鈞稍濶打

稻有床以竹為櫛取其易落磨稻有礮用木或用土

而齒之則不能去殼重則礮傷米也凡田一畝用

石七石或八石或十石或十二石或十五石或二十石

或三十石或四十石或五十石或六十石或七十石

或八十石或九十石或一百石或一百二十石或一百

五十石近水者半車水稍遠者雙車悉用人

力高阜者斛水尚用牛車石亦仍用人云

糯 石門縣志穀中糯益行有旱糯旱糯中秋糯猪血

糯晚秋糯矮脚糯香粳糯鴨嘴糯羊須糯泥裏變天

平湖縣志糯之品金釵糯粒長鵝脂糯一名羊脂虎

皮糯色斑十月熟馬鬃糯樵子糯白殼糯西洋糯竈

王糯羊鬚糯蘆花糯禾錄糯宜釀酒禾地多植

糯而作讓不敵西吳東越者此水性之異也

按嘉郡古稱嘉禾其土原屬膏腴而治田亦得良

法凡傍田之處必開濶蕩又必開腔以通清洫如遇

旱歲車灌之方亦備勤農遇熟年每畝之獲可得二

石餘除食足外皆集於震澤鄉鎮而糶之惟勸農之

方日不可怠實之後收割宜早納場

之後攤晾宜時又在長民者之督率爾

麥 嘉興府志大麥不甚適用漬之可為餵小麥即為

麩者麥在北方花晝開且冬入窖出汗去濕氣故益

人南方則否藟麥無芒色黃可作飯及餅餌酒家蒸之成酒名燒酒味最烈又有糯粟此種北地最多呼為高粱江浙則僅於墩岸間植之

豆

萬歷嘉善縣志菽也小者曰豌豆長者曰豇豆香

者曰香珠豆以形而論如刀者曰刀豆長而如帶者

曰裙帶豆曲如爪者曰龍爪豆似羊目者曰羊眼豆

以色而論白曰白豆赤曰赤豆綠曰綠豆黃曰黃豆

黑曰烏豆縑者曰僧衣豆斑者曰瑪瑙豆以時而論

當蠶時生者曰蠶豆黃梅時生者曰梅豆胥五奉九

南山高不立水稻多種白豆天啟平湖縣志白扁豆一名延離豆又名羊眼

豆諺云延離花開挾縑子來長者名龍爪小者名一蒼匙扁青豆色綠者名鸚哥綠香珠豆縑色而香太去名僧衣豆黑豆細者名馬料豆豌豆名小寒豆豇豆一種名裙帶豆刀豆以形名

菜

萬歷嘉善縣志禾人以此為業白曰白菜青曰青

菜似波者曰波菜生可噉者曰生菜甘者曰甜菜不

植而野獲者曰薺菜古者菜亞於穀故穀不熟曰饑

菜不熟曰饑誠重之也

藟心菜

嘉興府志冬種春生其藟始發摘食之禾人

稱藟心取其子搗作油名菜油

冬菜

嘉興府志一名白菜夏種冬收禾人以鹽貯之

名鹹藟菜以供一冬及初春

莧菜 萬歷嘉善縣志有紅白二種芥菜之屬也斷鼈肉為塊以莧覆之則活故忌莧與鼈同食

瓜 萬歷嘉善縣志瓜類有八一日甜瓜其形圓而有稜生時堅脆可入醬為菹俗呼醬瓜熟則酥美俗稱熟瓜二曰冬瓜大如枕可煮為羹亦宜密浸三曰西瓜其種傳自西域故名本地間有之多販自蘇松四

曰筍瓜即生啖亦宜醃藏五曰王瓜如生瓜而色黃即王善菜也六曰絲瓜嫩時可食老則筋頑難食惟取穰去垢而已七曰壺蘆即匏也有甘苦二種大者形如冬瓜而過之八曰苦瓜

嘉興府志西瓜色有青白質有長圓沙瓜味最

佳又甜瓜一名香瓜小者名金鵝蛋

芋 本草綱目出自海鹽苗高三四尺莖赤葉似石榴而短厚又似石南葉開細白花

葱 天啟平湖縣志地種香細過於太湖粗種又一種名龍瓜葱

筍 天啟平湖縣志家園所產有杜筍鞭筍燕來筍茶筍

貝瓊遊山記及山巨竹干挺醃筍而食肉雖美不能過也

香葷 乍浦九山補志松花葷山之有松者皆產惟陳山東麓為多三月間松花入土至四五月經雨後即生至八九月又生鮮肥滑嫩素品之上味也他如玉

葷松葷雷葷胭脂葷味皆不及惟笑葷牛矢葷不可食土人能辨之

茶食 嘉興府志補 食品中有茶食糖纏髓餅春餅

桑 石門縣志 其屬有晚青桑白皮桑荷葉桑鷄脚桑

扯皮桑尖葉桑火桑山桑紅頭桑槐頭青鷄窠桑水

竹青鳥桑 萬歷嘉善縣志 南鄉有桑不及桐鄉之盛種法有七一收樵二播種三置棚四灑澆

五耨耘六割桑七移栽嘉興府圖記濮院鎮流水環遶上沃宜桑

柘 閒窗括異志 柘湖中小山生柘樹因以為名

松柏 貝瓊遊山記 及山松柏萬株環合無路俛首松

下雲氣相盪不啻魚泳波濤中

榭 朱彝尊駕鴛湖櫂歌注 城東北隅有榭子樹傳自

西竺來者

穀 嘉興府志 穀樹賤而易生土人取其汁以書金字

水楊 本草綱目 楊樹葉短柳樹葉長又一種曰蟠楊

耐水隄涯間多植之

西河柳 本草綱目 一曰檉嘉興產陸絳所謂皮赤如

絳者也

檣李 花史 嘉興城西南地產佳李因名檣李嘉興縣

志相傳淨相寺僧坊舊栽真檣李其種漸絕今惟有

徐園李甘脆埒名然亦不可多得 朱彝尊駕鴛湖櫂歌注 徐園李核小

如豆絲懸其中相傳即樞李也張堯桐淨相佳李詩地重因名果如分沆漿因思吳越戰未敢盡情嘗朱彝尊樞李詩佳果先秋熟來禽也不如瑤光珠斗散青簡素王書瘦地翻宜嫁柔條亦易舒最防黃霧塞務使綠陰疎暑暘漿偏潤風吹粉未除豐肌須小摘纖核乃中虛銷夏吾鄉好分甘佛寺初會留西子招當食轉憐渠

李 桐鄉縣志出濮院鎮之南名柏家李萬歷嘉善縣

志嘉善李不甚佳有青梢黃姑二種

梨 侯鯖錄語兒梨果實之珍因其地名耳秀水縣志

禦兒產玉乳梨陸坡題醜梨詩并序醜梨出色之東貌雖惡而風味絕勝聞嘗進御因賦

五言仄貌疑清古霜津溢脆甜面嫌湯後白心慰邑中黔美實鍾寒谷珍善近御奩彼妹徒冠玉爭得似

桃 嘉興府志五月桃小八月桃大有合盤桃形扁似

合又李公桃無毛而色紅然終不及北產之佳

白楊梅 朱彝尊鴛鴦湖權歌注超山產

棗 正德崇德志縣北錢林村為吳越錢王舊館後為

證聖院園多無核棗與語兒梨歲獻錢王

瑣瑣葡萄 紫桃軒雜綴神農九草之一中土久有不

俟博望從西域帶來也吾里東塔朱買臣墓有之

蓼莫 石門縣志野葡萄也

菱芰 萬曆秀水縣志秀水水實之品菱紅有三種沙

角環菱鍋窠蕩青有二種餽飽菱尖角菱紫桃軒雜綴兩角而

芣者為菱四角而芒者為芡吾地小青菱被水而生  
味甘美熟之可代食飯其花鮮白幽香與蘋蓼同時  
正所謂芡也春秋時吾地入楚屈到所嗜其即此耶  
此物東不至魏塘西不踰陡門南不及半路北不過  
平望週遮止  
百里內耳

芡 萬歷嘉善縣志俗呼鷄頭葉似荷而大苞莖皆有  
刺苞內著子多其實補精小兒食之易長故有延年  
之說

地蒲 嘉興府志地蒲出嘉興又一種屋蒲可以為匏  
梅 嘉興府志江梅最多綠萼為佳又有紅梅玉疊諸  
種

山茶 嘉興府圖記嘉善常氏園有滇茶一本片葩吐

焰照五里外

玉蘭 羣芳譜五代時南湖中建烟雨樓樓前玉蘭花  
瑩潔清麗與翠柏相掩映挺出樓外

紫藤 宋蘇尊為鴛湖權歌注城南西板橋至項裏殺  
墓下紫藤花最盛

錦帶 嘉興府志錦帶河傍植錦帶花多題詠  
金雀 嘉興府志一名飛來鳳鹽浸可以點茶

蓮 嘉興府圖記祥符蕩菱荷甚饒宏治嘉興府志嘉  
善縣蓮花渚多植蓮花

千葉蓮 正德崇德志錢林村證聖院前有池種千葉



蓮

野蓮 續澈水志永安湖中央有土方數畝高出如臺

產紅白蓮蘋花芡實類皆野生

木芙蓉 嘉興府圖記芙蓉洲在青鎮秋光漸老芙蓉

盛開風景襲人殊為佳致

蘆 云治嘉興府志嘉善縣蘆墟塘多產蘆葦海鹽縣

圖經邑中諸湖惟鷓鴣湖與賁湖為大橫湖長湖上

谷湖差小岸曲爾望生荻葦深秋白花雪映水色蕭

遠

竹 萬歷嘉善縣志竹十有二種一曰淡竹其葉入藥

性涼二曰水筍竹言其韌也三曰護居竹葉大陰濃

亦名哺鷄言其筍如鷄卵之多四曰燕竹燕來時初

生五曰斑竹稱湘妃竹以其斑如淚痕也六曰紫竹

可為笛簫其粗者為傘柄之用初解籜色猶青到冬

色乃變七曰慈竹又名慈孝竹其筍一年兩生冬則

外生夏則內生有子母相顧之義八曰王莽竹最大

二十餘節後方生枝葉近根有一錢痕俗傳其根堅

猛諸竹莫能當故以莽比之九曰黃菰竹一作黃籬

節曰疎平皮黃力韌為篋器最良十曰石竹其中實

而不虛十一曰黃金間碧玉逐節青黃相間筍最遲

十二曰鳳尾竹以其形似也

水竹 嘉興府志竹生於水高不盈尺可供盆玩

筆竹 宏治嘉興府志竹類有筆竹

茶 貝瓊游山記鷹窠山嶄然中高旁殺樹皆合抱產

茶類武夷

酒 名酒記秀州月波酒談薈秀州酒有清若空

蓮花白 正德嘉善縣志臘月以麴釀秫作酒煮而藏

之曰煮酒其隨時而釀者曰蓮花白

三白 萬歷秀水縣志以白麴為之不人草藥露透

麴氣白米白水故名三白

鹽

太平寰宇記海濱廣斥鹽田相望即海鹽與鹽官

之地同也宏治海鹽縣志本邑僻臨大海斥鹵之民

率多煮海為鹽見只編凡煮鹽俗曰趁海一則謂趁

先佃海場場一丁其橫九弓長倍之開潭貯潮鑿溝

築塍為界分場為上中下三節近海為下場以潮水

時浸不易乘日曬也其中為中場以潮至即退夏秋

皆恒受日易成鹽也遠於海為上場潮小至所不及

必擔水灑灌方可曬也凡潮汛上半月以十三日為

起水至十八日止下半月以二十七為起水初二

日止潮各以此六日大滿故當潮大三場皆沒自初

二十八日已後潮勢日減先曬上場次曬中場最後

下場故上中每月得曬二場下場或僅得其一也凡

曬鹽俗曰曬灰言其土之細如灰也侵曉先合力用

削刀削灰使鬆隨以碌扒碌碎更用篠竿攪使極細

激水夾板推聚如前盛夏二日或三日秋冬四日曬力方足冬則西北風尤勝日曬也先此周築土圍如櫃長八九尺濶五六尺高二尺深三尺名曰溜溜傍即開一井深八尺溜底用短木數段平鋪木上更鋪細竹數十根復覆之以柴冒以草灰然後取場灰填實溜中用足踏實再以稻草覆灰仍挑潭中海水多潑草上使緩緩滲入井中成鹹滴可汲煎矣大約一溜之滴可得二十餘擔滴之上者視木百觔加重次重一十上滴沉下次漸在上以石蓮子最重者一粒浮否則最重者沉次重者浮也煎法用大鑊二具中鑊一具中鑊遠於火停頓冷滴使熱逐漸添入大鑊良惜薪也俗呼滴二大鑊為一盪用滴六擔可得鹽百四十觔云大較鹽之盈縮繫乎雨晴貴賤視乎薪價晴久得鹽多雨久得鹽少薪貴鹽價貴薪賤鹽價賤必然之數矣削刀長一尺五寸濶二寸一面口薄如刀用方木一塊繫口含刀木上著六尺竹柄用以前泥碌扒頭長二尺著齒十四柄長六尺用以緣泥條竿用細石竹為之夾扒用杉木板長七尺濶一尺裝一木鑄子一人用力持鑄一人用繩捉夾使成辰

硬木瓢用以挹滴弔子用竹為柄以汲滴大鐵鏟用以鏟鹽鑊謹按嘉屬產鹽最廣如西路鮑郎等場其色多白海沙蘆瀝等場其色多青青者粒麤且凝成冰塊其味最鹹吳郡造醬者多利此取其質重而味厚也

**藥草** 嘉興府志補藥品有蒲公英旱蓮艾火炊草夏

枯草葳茹草

**仙茅** 海藥本草仙茅生西域今浙西諸州亦有之葉

青如茅而軟有縱文又似初生椶櫚春初乃生三月有花如梔子其根獨莖而直大如小指八月采根曝乾以為藥

**龍骨** 嘉興府志秀水縣穆溪通太湖水中多龍骨俗

傳龍蛻於此

甘菊 萬歷嘉善縣志花黃梗紫為甘菊最良野菊叢

生花小性涼家菊修摘花大氣弗聚矣

紫蘇 至元嘉禾志海鹽出者佳

枸杞 石門縣志方書云出崇邑牢墻上者佳今絕少

馬兜鈴 圖經本草浙西皆有之生苗作蔓繞樹而生

蓬莪茂 圖經本草浙西或有之三月生苗在田野中

其莖如錢大高二三尺葉青白色頗類藜荷

燈草 嘉興府志其皮可以織簾

翠雲草 嘉興府志生陰地翠色可愛

茜草 名勝志嘉善縣茜溪出茜草故名

藍草 萬歷嘉善縣志本縣遷南胥五高鄉種藍呼為

澱染草也

馬蘭頭 嘉興府志可作菜食花如小菊

紫荷花 朱彝尊鴛鴦湖權歌注草生田中花開如茵

可坐臥遊人每藉此泥飲 嘉興府志又名孩兒草田家藉以壅田

菖蒲 嘉興府志嘉善縣東西菖蒲涇多產菖蒲

鶴 明一統志鶴湖在嘉善縣其中多蘆葦或以舊嘗

產鶴故名 天啟平湖縣志鶴本產此今多來自他所

青鸚 萬歷嘉善縣志生北鄉湖蕩中頗肥俗言水裏

鷓鴣岸上鷓

鷓鴣 名勝志宋聞人滋南湖紀畧云檣李東南皆陂

湖而南湖尤大其禽多鷓鴣故名鷓湖

鷓 萬歷嘉興府志小鳥色白在湖蕩中隨波上下常

以三月風至乃還洲嶼

錦鳧 貝瓊遊山記及山下有三湖青停黛蓄與天一

色錦鳧往來可畫

黃雀 乍浦九山補志雅山之北有紫蕩皆黃茅白葦

次間黃雀不知其可食飛集其間至夜深土人以網

張四圍逐得之有二種一名蘆雀味少劣 石門縣志

頭者蠟塗軟脚為勝朱彝尊鷓鴣湖懼歌江黃雀  
味甚腴產陶莊馬疇吳地記云海邊小魚所化

秋鳥 乍浦九山補志秋鳥亦非山產八月中乘西北

風起迎風而來此鳥成羣飛每下土人網取之凡山

林園圍樹木茂盛處百十為羣一網可得兩隻者名

畫鷓雄名青鷓雌名雌搏四隻者名花鷓八隻者名

鑽籬至春時又復回至山間復網之名回春味頗劣

惟秋鳥價頗貴饒遺者以為珍品 海鹽縣圖經屠墳

東南風時有鳥大如鷓者忽乘風來集信宿向內地  
分飛至春又復集此渡海歸味極腴美為時饌雅貴

名曰秋鳥初來時割其腹有  
青胡椒因驗是日本來也

菜鷓 嘉興府志青色似青鷓又一種名鶴鷓皆田間

食穀之鳥人捕食之

紫山看火

朱彝尊鴛鴦湖權歌注鳥名鳴則桑葉貴

透倉鳥

舊浙江通志出嘉興俗名十姊妹籠其一則

羣皆來

鴨

樂府阿子歌注嘉興人養鴨兒因作此歌

鴨餛飩

方回竹杖詩秀州門外鴨餛飩朱彝尊鴨餛飩

餛飩詩注鄉人目曰喜彈

朱彝尊賦鴨餛飩詩禾俗養鴨兒樂府歌阿子一雄挾五

雖累百喙長水方春穀將出生意不可止要術味拘宜既月雞定起淺夫計欲速火攻迷運徒半體形已呈忽焉混沌死他邦盡棄擲吾黨獨見喜銅童眉椒林寵妾洗毛牆色滄黃白斑候斂漿汁滓鴨發咽東京鴨劑屏南史既免治刀種兼弗離牙齒以之號餛飩莫審所自始得非飲食入桐江方萬里記取秀州

門竹杖扶入市至今七十坊饌法傳伍氏物微夢殊留賓姑舍是二子下箸貪謂足勝羊豕作詩賞遊味虛谷同一揆不知天地間何者真好美試問厨烟生曾否動食指

牛 嘉興府志本地惟牛最貴

豬 萬歷嘉善縣志正德中禁天下養豬一時埋棄俱

盡本邑下保民陳氏穴地養之遂傳其種

獺

萬歷嘉善縣志他處獺祭魚則四方陳之避而弗

食惟本縣近河多小廟獺必進魚於廟祭之

金魚

名勝志秀水縣月波樓下為金魚池唐刺史丁

延贊得金鯽於此後為放生池方輿勝覽云在城外

吳陸瑁池即今之南湖也

陸蒙名池詩池上春風動白蘋池邊清淺見金

鱗新波已縱遊魚樂  
湖笑江頭結網人

鯽魚 天啟平湖縣志烏背者佳出本縣塔院南

刀鱗 朱彝尊鴛鴦湖權歌注鱗亦作鯨春初肥美

白魚 萬歷嘉善縣志葉氏避暑錄云太湖白魚實魁

天下今本縣到處有之但來有定期必成羣而過

異色魚 朱彝尊鴛鴦湖權歌注隱真院在城東昔有

方士於此修煉化去中有一池生魚多異色

銀魚 萬歷嘉善縣志色白如銀大者如箸細者如鍼

北鄉蕩中有之

斑魚 萬歷嘉善縣志似河豚而小怒則腹脹如鼓色

斑有點味亦美肺尤佳前人有詩云忽憶夏湖風味

美斑魚黃雀寄來無

黃魚 天啟平湖縣志本縣例該歲進黃魚三百尾每

年僉役解貢嘉靖三十年糧長與蘇州水廠相爭訴

狀遂免魚貢

河鮑 天啟平湖縣志鮑魚即河鮑湖中間亦網得

薰鱖 嘉興府志補食之品有薰鱖

海族 海鹽縣圖經鱗之品有黃魚鱉魚鱸魚鱠魚鱗

魚魴魚鱸魚鮑魚梅魚鱒魚鱖魚馬臯魚比目魚河

鮑魚青蝦白蝦黃蝦海蝦及水母介之品有蠶蟾蚌

白蟹 蚱蜢 蟋蟀 煙白 蜆 白蛤 黃蛤 土蚨 見只編海上業捕魚考約

二百家名魚戶戶納魚課始得捕捕之法有捕有關

網有石斷有退策及鈎墜等法遠捕用船近捕用單

並擱搖櫓亦能破浪行也單以大竹貫疊以篾絞草

札縛成之捕亦網類口潤二丈口周方緣著四竹先

以大木穿竹索撻入海底二丈許索浮海面必長八

丈方足繫捕與湖極滿之勢等潮至口東向退又西

向隨潮迎去受魚最多張捕近者得魚少必遠置乍

湖退 一往謂之撈捕關牛之捕以十月始張六月

大小惟人 是視所謂扈也得魚因潮猶之關網斷

必問關斷則又勝於近海之捕矣取近捕之魚用竹

退策用竹織成口入底尖長二三尺千百連帶以竹

插置塗泥上惟鱷魚嗜泥白入菜中尤多鈎用雙

者長三尺許以鈎螳蟬用雙鎔沙虎穴最深須出

大四齒鐵鎔蛻與蛤蚶黃蚶用小四齒鎔大較海物

亦按時見美如正月則貴河鮑往時人罕食者漁人

得此棄不顧今則珍為名饌價亦增貴蜆生沙塗中

殼如蛤而薄惟春月肉圓肥無沙梅魚長不過五寸

類小黃魚然別是一種也二月鱗魚長尺餘有子者

佳稍不及江產鮮蛤一云黃蛤形小味鮮入土甚深

壅得捷提遲即縮入泥中至六月便不可食三月板

力參新工直 卷一百二 物產一



爭多六月黃甲即蟾蚌兩螯極大得即繫縛蒸食美  
緩縱則介裹腥水較讓明州殼中黃實也鮑魚嚼雜  
白殊勝腹子者鱒魚鼻與身等帶甲愈佳而脆美黃  
膩不減婁東碗城七月白蟹形似蟾蚌稍白食泥而  
肥海螯身圓白頭戴壘塊而赤浮水蠕動得之易而  
且多質成於水乾之正復無幾八月青蝦隻有重三  
四兩者漁者腊之日對蝦凡蝦自四月至此為盛人  
家烘貯以飭盤案又銀魚細短不若產於河者九月  
土蛭自八月至此月不復食泥吐白脂晶瑩塗上比  
他月稍佳貧兒手拾盈桶不過三四錢十月沙虎即  
蟛蜞一類獨深居沙土約一二尺故殼軟而肥然墾  
得不易至留錢隻四五也惟蟛蜞雖穴處而散出聽  
人攪拾十一月蛤蜊亦墾沙而取肥大少遜通州鱸  
處深穴故必鈎取以大者為美十二月鱸魚狀與鱖  
相似味不大佳若四時皆有莫若鱸魚蛇頭鱸身味  
甘骨鬆俗稱海蕪子最細美熏制薄切明如琥珀片  
比明海雜著他子散細腥黃美惡自判也他如鱖魚  
亦時時有天者與鯊鯪二種有重百筋者又比日與  
箸鱖彷彿不見貴重惟海鰻肥者可角河鰻其他若  
鱖魚之軟爛瑟蟹之細碎封皮魚之瘠薄蝦塗之作

蟹 正德嘉善縣志汾湖半屬吳江一名分湖周二十

餘里中產蟹紫螯殊美陶振汾湖賦紫蟹剖吳下之膏腴注各處蟹皆自須惟汾

湖紫須

蝦 名勝志嘉善縣祥符蕩中產巨蝦

螺 明一統志螺潭在府城南相傳有白色細螺生其

中嘉興府圖記范蠡湖有西施粧臺池產異螺陰雨

輒紆五采張堯同范蠡湖詩少伯曾居此螺紋吐絲絲一奩秋鏡好猶可照西施

牡蠣 萬歷嘉善縣志北鄉湖蕩多蠣其首向左者為

牡礪

沙虎 乍浦九山補志產高宮山南不甚大與蜉蝣等

糟食甚美又呼為沙狗

海蜇 爾雅翼蛇一名水母又曰鮓魚又名檮蒲魚今

浙西通呼蝦蛇又名海靱俗云潮之來也蛇隨之而

來羣蝦擁之若竹槎然槎者障塞之名潮退則蝦棄

之陸故為人所獲或曰在海中不淨海神惡焉驅與

八分之名海月俗呼海頭

萬聖秀水縣志三月蠶始浴種及桑柘種蠶謂之

蠶眠作繭繅絲次為繅諺云江村四月閩人少

纒了桑麻又插秧

海鹽縣岡經蠶之初收也以不食

過過則有傷是為護種其初生也則以桃葉火炙之

散其上候其蠕蠕而動灑灑而食然後以鷄羽拂之

是為攤烏其既食也乃熾炭於筐下并其四周到桑

葉如縷者而謹食之又上下抽番晝夜巡視火不可

烈葉不可缺火烈而葉缺則蠶饑而傷火致病之源

也然又不可太緩緩則有漫漶不齊之患矣編經曰

蠶薦用以圍火恐其氣之散也束枯曰葉墩用以承

刀惡其聲之著也是為看火食三四日而眠眠則擿

眠一二日而起則餒是為初眠自初而之二自二

而之三其法盡同而用力益勞為務益廣是為出火

蓋自此蠶離於火而葉不資於刀矣又四五日為大

起大起則難離則分落難早則足傷而絲不光瑩難

遲則氣蒸而蠶多濕疾又六七日為熟巧為登簇巧

以葉蓋曰貼巧驗其猶食者也簇以葉覆曰冒山濟

其不及者也風雨而寒則貯火其下曰炙山晴暖則

柴帚以禾草為之長尺有咫大可一握散布登蠶其上有至二三重者凡蠶之性喜溫和惡寒熱太寒則悶而加火太熱則疏而受風蠶房宜卑卑則溫蠶簇宜高高則爽又其收種時須在清明後穀雨前大起須在立夏前過此不宜也至於桑葉尤宜乾而忌濕少則布挹之多則箔晞之能節其寒暖時其饑飽調其氣息常使先不踰時後不失期而舉得其宜故所收率倍常數時謂得養蠶術焉

促織 朱彝尊鴛鴦湖櫂歌注嚴將軍墓前每年產一

促織為冠里人爭取之佳者名為紫金翅

嘉錦 嘉興府志嘉興出錦名嘉錦

雲絹 嘉靖浙江通志嘉興出

畫絹 杜氏畫譜密機絹極勻淨出魏塘趙子昂多用

此作畫

濮院紬 桐鄉縣志花紡紬出濮院名色甚多 行天

下

謹按嘉錦之名頗著而實不稱惟濮院所產紡紬與西機綾練絲熟淨組織亦工是以濮院一鎮之內坐買持衡行商靡至終歲貿易不下數十萬金居民藉此為利益由勤以致之也

杜紗 萬歷嘉善縣志出縣思四等區隨用染色但比

官紗可浣濯至於綿紗窮民無本不能成布日賣紗

數兩以給食故諺云買不盡松江布收不盡魏塘紗

桐鄉絹布 桐鄉縣志邑人工於紡織絹有花絹官絹

籬筐絹素絹帳絹畫絹綾有花綾錦綾素綾羅有三

梭五梭花羅素羅紗有花紗脚踏紗縐紗布有龍潭

布桐鄉布眉公布麻布陡門布建莊布烏鎮布篋布  
苧布

綿細 桐鄉縣志出青鎮

細布 天啟平湖縣志靈溪水秀沙明產細布人爭市

之

木棉紗布 萬歷嘉善縣志木棉本出閩廣宋時始傳

種種於松江之烏泥涇今南鄉高田種之通幢小品地產木棉  
花甚少而紡之為紗織之為布者家戶習為恒業不  
止鄉落雖城中亦然往往商賈從旁郡販綿花列肆  
吾土小民以紡織所成或紗或布侵晨入市易綿花  
以歸仍治而紡織之明且復持以易無頃刻間紡者  
日可得紗四五兩織者日成布一疋難脂夜作男婦  
或通宵不寐出家收穫輸官償債外卒歲室虛已空

其衣食全賴此激浦俗善績苧更以織苧布為業然  
地實不產苧市之他方布亦不大精非貴人所御也

香 嘉興府志補有合香帶梅花笑蘭衣香

薔薇露 朱彝尊鴛鴦湖櫂歌注嘉興最多野薔薇開

白花田家籬落間處處有之蒸成香露可以澤髮

墨 春渚紀聞沈珪禾人善製墨諺云沈珪對膠十年

如石

髹器 輟耕錄嘉善斜塘楊滙髹工鎗金鎗銀法以黑

漆為地鍍刻山水樹石花竹翎毛亭臺屋宇人物調

雌黃韶粉以金銀箔傅之春明退朝錄綠髹器始於  
王冀公家祥符天禧中每

為會卽盛陳之然製自江南頗質  
朴慶歷後浙中始造盛行於時

銅器 嘉興府志補 貨之品有走金銅器商嵌銅器郡

中者佳

銅爐 朱彝尊鴛鴦湖權歌注 里有張鳴岐製銅為薰

爐聞於時

銀槎 輟耕錄 浙西銀工之精於手藝者朱碧山在嘉

興魏塘 朱彝尊鴛鴦湖權歌注 朱碧山所製銀槎鑿張鸞於上以七寶嵌之

錫壺 朱彝尊鴛鴦湖權歌注 里中黃元吉治錫為壺

極精緻

匏杯 秀水縣志 邑人周五峯製近口鄉人多用之 晉

匏杯歌 郡中攻匏始王氏其後模倣紛然多各能推擇尚堅樸八月九月留霜柯宜武平生詭形似精微

以往皆滄訛石佛羣僧稱好手工惟急薄虧借磨流傳空復遍燕粵幾售只尋幽人適東郊周生最晚出家無尺帛顏常醜思窮莽蒼得奇竅盡刷怪毫還中和終年黧慙與神遇歛起奏月如擲梭不規而成妙天質因物纖巨無偏頗餅壘滿眼總適用譬若聖教陳四科其間卓絕首觴器琴軒書榻光相摩奉之宜俟偃佗輩傍坐可斥妖秦娥愚也好古徹骨髓周生之寶曾經過持贈不惜倒筐篋罔若片月來烟蘿南潘閩塹北沙塞塵空戛擊催沉痾糟邱已墮謝歡伯不飲奈此匏者何

銅 漢書食貨志 吳東有海鹽章山之銅

鐵 海鹽縣圖經 雅山本產鐵烹冶者以不當爐鞴費

幸免傷鑿

黃石 海鹽縣圖經 豐山產石色黃而堅土人採為爨

築用


磚瓦 萬歷嘉善縣志出張涇窰者曰東窰出千家窰者曰北窰東窰土高窰大火足故堅完可用北窰地卑取土他所又窰小悶熟者故脆而易壞

陶甃 宏治嘉興府志嘉善縣甃竈塘居民以陶冶為業

湖州府

稻 宏治湖州府志稻之類八月白稻八月熟一名鯉花紅一名觀音稻一名瓜熟稻趕冬春稻言其早熟可接陳米雁來枯稻雁來時即枯綻來烏稻其色初白至熟即烏三穗千稻其穗長一穗三百餘粒泰州

種自泰州來其米紅色下馬看稻其色齊熟言其好看也野雉斑稻色如雉雞之斑爛麻子烏稻米粒如麻子而色烏鵝脚黃稻色如鵝掌老赤鬚稻至熟時芒赤師姑粳稻言其無芒黃梗鮮稻其梗黃胭脂糯稻其色紅羊鬚糯稻芒長而白其稻早熟即早糯也馬鬚糯稻芒如馬鬚而色赤懶曬糯稻色易變不曬而變也烏香糯稻色烏而香鐵梗糯稻其梗硬而不倒趕陳糯稻早糯也泥裏變糯稻其米不待曬而變長興縣志稻屬有宜興白宣州白七月白三朝齊鵝子黃鐵塘青武康縣志有大黃稻小白稻紅陸晚稻



金裹銀稻

吳興掌故湖耕深而種稀其土力本饒沃種不稀者至秋多病蟲嘗見老僧言吾田

先用人耕繼用牛耕大率深至八寸故倍收又湖之老農言下糞不可太早太早而後力不接交秋多縮而不秀初種時必以河泥作底其力雖慢而長伏暑時稍下灰或菜餅其力亦慢而不迅疾立秋後交處暑始下大肥其力倍而穗長矣

早稻

崇禎烏程縣志卽古城稻自宋真宗取於福建

者湖人因有占米之稱名曰早稻

吳興掌故山中往

種耐旱而繁實且可久蓄高原種之歲歲足食種法大率如種麥治地畢豫浸一宿然後打潭下子用稻草灰和水澆之每鋤草一次澆糞水一次至於三即秀矣

黃龍稻

崇禎烏程縣志郡大水陳郡侯幼學訪有黃

龍稻可播購求以濟潘士達詩云相傳白鳥能招水

却道黃龍可濟民

麥

宏治湖州府志大麥卽麩麥也早熟而粒大小麥

有赤白二色又有無芒者名火燒頭麥卽落麥也穞

麥粒如大麥卽穞麥也

菜

宏治湖州府志大頭菜其頭白甘軟可食亦宜醃

藏禦冬脆嫩味佳西吳里語湖州白菜出郡城東門

外者嫩白甚佳移種他處則爲青菜油菜其品味變

矣與郡之溪中鱮魚同稱謂之大頭菜小頭魚

萬曆湖州

府志長興有組中山菹醃藏菜也昔吳王於山中種蔬爲軍人冬食之備西吳枝乘吳興檣頭鱮爲海內佳味東門外之蒟蒻與之齊名土人稱大頭菜小頭魚云

詳按湖地宜菜四時皆有冬春為市而冬月尤多聞  
之諺云冬月菜莖小雪小行大雪大行冬至不行今  
則竟有三熟直至臘盡青青  
滿畦湖民資其利者溥矣

烏菘菜 宏治湖州府志 青菜亦名烏菘菜春間煮曬  
為乾蔬

薺菜 吳興掌故 湖人不甚食薺薺和肝氣明目夜則  
血歸於肝肝氣和則血脈流通津液暢潤東坡與徐  
十三薺羹書以為天然之珍雖不甘於五味而有味  
外之美天生此物以為幽人山居之祿

蘿蔔 崇禎烏程縣志 一名蘆菔一名蔓菁春末生者  
謂之楊花蘿蔔形細長夏生者為夏菘蘿蔔形圓秋

生者為秋菘蘿蔔形長而大俱出太湖傍諺云太湖  
蘿蔔賽過金壇藕

蔓菁 吳興掌故 蔓菁根能濟饑若蘿菔止主消食蔓  
菁蔓苗可作菜子可作油諸葛種之蜀中有自也

謹按本草諸書蘿菔與蔓菁皆並載是屬  
二物烏程志謂蘿菔一名蔓菁者誤也

生瓜 宏治湖州府志 嘗瓜一名生瓜可糟醃出太湖  
傍

山藥 吳興掌故 山藥本名薯蕷以山土所宜故名山  
藥然黑土不如黃沙土平地種者無益予以供早且  
下食兼作東坡玉糝羹及作酒方在本草



薑 蔬譜出太湖傍者枝紅

茄 吳興掌故湖中諸佳蔬易辨而美惟茄不如松江

之肥大其餘皆可以養老省擊鮮也

葱 蔬譜出太湖傍者為湖葱頭白而長

筍 萬歷湖州府志筍出棲賢山者佳崇禎烏程縣志棲賢康山之間

專種猫竹筍有重至二三十觔者其種法稀留竹本每年鋤二次並無草根清明前後見地有氣眼即知下有大有筍用力掘出其白如玉立夏後漸無剛竹筍夏出邊筍秋出團筍冬出吳興掌故筍亦有毒須用薑或茱萸醬制之一說滑利大腸而益於肺謂之刮腸筍一云竹實少陽之氣而剋脾土

筍脯 筍譜天目山生筍其色黃今人以天目筍脯見

饋其色綠少有黃者聞其煮法旋湯使急轉下筍再

不犯器即綠矣

酸筍 吳興掌故深山梅溪以上皆荒山筍然路遠不

能及時遠致作筍鬻賣之極軟滑可供盤飧名酸筍

山家清供嘗見山僧作筍粥幽尚可愛其煮筍用大塊云薄則味脫大塊久煮其味自全

蓴 太平寰宇記長興縣西湖一名吳城湖湖中出佳

蓴嘗貢安洽湖州府志莖葉如小荇但莖上有水涎

滑澤可食出烏程蘇灣者佳吳興掌故湖中多蓴銘孟希云永興湘湖蓴菜

三月盡採賣至秋則無人採矣孟希此語止一方之見耳春蓴如亂髮成本此則猶常菜不足異秋蓴長丈許中止一二尺生冰甚滑一二尺外皆棄物且春蓴嫩不可作羹秋風之思在此一二尺間耳以菜體計之宜永興之不知採也

蕈

吳興掌故湖中大旱乏食采菌蕈食之山人

色大紅及黑白色者俱不可食惟淡紅色者無毒

蕈受濕熱之氣謹疾者宜詳之兩河初夏生麻菰即

蕈也極大者亦不可食惟種出者無毒種以爛楮木

數寸碎之埋土中以米泔灌即生

石耳

名勝志安吉州梅溪石門中產石耳食之止

蕨粉

吳興掌故湖中採蕨其苗曰蕨箕春初可作菜

其根深者至三四尺每根二觔搗取粉水澄細者可

充一夫一日之食自九月至二月可採至三月穿

則根虛不可食可救半年荒也

桑

湧幢小品湖州畜蠶者多自栽桑否則祖別姓之

桑俗曰抄桑凡蠶一觔用葉百六十觔諺云仙人難

斷葉價故栽與抄為最穩否則謂之看空頭蠶有天

幸者往往趣之

吳興掌故蠶桑之利莫盛於湖大約

良地一畝可得葉八十箇計其一歲

墾鉏壅培之費大約不過二兩而其利倍之自看蠶

榧

述異記顧渚山有榧子樹其木如玉色渚人採之

以為杖

桐柳

吳興記烏程縣南百里有桐墟百五十里有柳

墟又有柳湖

楓櫟 太平寰宇記長興縣飛雲山多產楓櫟

檀 萬歷湖州府志生罨畫溪旁有連理枝者

苔梅 梅譜苔梅惟吳興有之他雖花盛開苔皆剝落

惟自武康卽不變移 吳興掌故其枝虬曲萬狀蒼蘇鱗皴封滿花身又有苔鬚垂於

枝間或長數寸風至綠絲飄飄可玩初謂古木久歷風日致然詳攷所產雖小株亦有苔痕蓋別是一種

予從會稽移植十木一年後花雖盛苔皆剝落殆盡惟湖之武康所得者卽不變此風土使然會稽隔一

江湖蘇接壤土宜亦異則同也馮子振苔梅詩姑射仙人騎翠鸞濛濛香霧濕飛翰夜深舞罷霓裳落溜

得葱裾 護曉寒

消梅 宏治湖州府志出道場山下青脆殊甚其實尤

早

烏梅 嘉靖浙江通志湖州出 吳興掌故安吉之梅以梅得名而烏梅特爲

名產他方所製取自殘落安吉特摘完好者爲之

楊梅 元豐九域志長興縣石榔山生楊梅慎蒙遊黃

龍洞記自府城出北門至弁山之下楊梅樹以數萬

計青翠滿林不減閩之荔枝自是沃壤又一奇觀也

羣芳譜吳中楊梅種類甚多名大葉者最早熟味甚佳次則下山本出苕溪移植光福山中尤勝西吳枝

乘果實芰藕菱茨皆佳而楊梅殊絕出太子灣者大幾如卵甘不勝口

櫻桃 成化湖州府志一名含桃出道場山下者最佳

木瓜 太平寰宇記吳興土產木瓜糝煎重椀子長興

縣志木瓜出長興者其實大 牛嶽四安道中所見詩木瓜已過折山來黃帽

封林未敢開想見白沙紅照裏繡紋磊落見奇瑰注  
木瓜園入折山數里供進後方敢賣土人取瓜埋其  
半於沙中以紙鏤花貼上  
以溪水灑之日曬乃紅

梨 宏治湖州府志出安吉名金花梨佳

栗 萬歷湖州府志出安吉孝豐

橘 避暑錄話惟洞庭山最盛近處好事者園圃移植

之橘比田利數倍而培治之功亦數倍於田橘下之  
土幾於用篩不使見纖草地必面南為層級次第使  
受日每歲大寒則於上風焚糞壤以溫之

橙 崇禎烏程縣志味酸極香用糖製成小餅或用鹽

配桂花入茶香櫟亦可切片糖製

西瓜 崇禎烏程縣志出太湖傍地不若常州來者今

山地有沙瓜亦佳

藕 崇禎烏程縣志出桑濱者佳以紅荷蓮白荷藕為

貴花紅者蓮腴而藕硬花白者蓮嫩而藕甜

風菱 崇禎烏程縣志出菱湖秋晚採入竹箔曝乾為

風菱 宏治湖州府志菱湖人焙乾  
食之可療饑謂之日菱米

洛如花 就印錄吳興山中有一樹類竹而有實似茨

狀鄉人見之以問陸澄澄曰名洛如花郡有文士則

生

珠藤 太平寰宇記長興縣紫花爛生珠藤至三月紫

花滿澗

重臺蓮 平泉草木記其水物之美者有白蘋洲之重

臺蓮 太平寰宇記白蘋洲舊有千葉蓮李德裕重臺芙蓉賦并序

吳興郡南白蘋亭有重臺芙蓉本生於長城章后舊居之側移植蘋洲至今滋茂余頃歲徙根於金陵佳亭奇秀芬芳非世間之物因為此賦以代美人託意焉昔柳惲為吳興太守顧座客而嘆曰遊汀洲以採蘋憶蕭湘之故人見白日之已晚惜青春之不返且欲捨瓊藥於桂山折瑤華於蘭畹客乃稱曰彼有清川爰生瑞蓮紅葩焯而畢翠葉小而田田願得薦佳名於君子悅麗色於當年於是縱蘭棹泛淪漣吟朱鷺於窈管鳴鷓鴣雞於瑟絃臨漪澗以遠望嘆華光之何鮮是日際海澄廓微風不起涵麗景於碧瀾朝霞於清沚鮮膚秀穎微風不起涵麗景於碧瀾館娃而戾止遠以意之若珠闕玲瓏豈峯翠聚女之光色抗霓旌以相從迺而察之若桂裳重復捷丹谷思江妃之窈窕發紅羅之芬郁其映蘭芷

出蘋萍掩萋萋之象色挺嫋嫋之修莖法清露以濯秀流鮮飈而發精雖草木之無情亦獨立而傾城若乃行潦既收秋光始靜見涼野之夕陰悵回塘之餘景思摘芳以贈遠更臨流而引領翡翠失其輝鮮珠璣奪其光穎惟斯物之特麗宜獨秀於寥天在靈境而何降居下澤而何偏有繁華而不實嗟淑顏而莫傳念莊姜之無子非巧笑之未妍彼天意之所屬諒難得而知焉乃為歌曰吳山秀兮烟景媚因淑女兮感斯瑞蓮雖多兮無厥類蘭徒芳兮何足貴人已去兮代不留獨含情兮託茲地

五花蓮 咸淳臨安志淳熙中孝宗同太上至德壽宮

冷泉堂時蓮花盛開太上指池心云此種五花同幹

近伯圭自湖州進來前此未見也

蘆 方輿勝覽苕溪兩岸多生蘆葦秋時則花

荻 名勝志荻塘產荻花最茂

白蘋 吳興志白蘋洲乃越女采蘋處梁柳惲為吳興

守賦汀洲采白蘋詩即此

篁竹 宏治湖州府志其篾柔韌可為器用 避暑錄話篁竹色深

而葉密始得此山即散植竹畧有三四十竿雜衆色有之數年後所向皆竹矣有告予種竹法者但取大竹善掘其鞭無使殘折從根斷取其三節就竹林燒其斷處使無泄氣種之一年即發細筍掘去勿存次年出筍便可及母插柳者燒其上一頭則抽條倍長鬻牡丹者燒其柄或蠟封即不萎蓋一術也種竹須當五六月世言五月十三為竹醉日不必此日凡夏皆可種也

箬竹 崇禎烏程縣志其葉大可編篷

徑尺竹 竹譜可為甌出湖州

箭箬 太平寰宇記長興縣箬溪夾溪悉生箭箬

乃甲江南 崇禎烏程縣志湖人好飲白酒暑月間煮

熟或入竹葉或荷葉芬烈而清名碧香清又有茅柴酒以茅易燎而白酒易醒今造三日酒特勝謂白米白麴白酒也

百花春 楊誠齋集有謝湖州太守王誠之送百花春

詩

吳木 西吳里語孝豐天目山有仙丈峯產吳木名雞

腿木藥品特佳

龍膽 本草綱目一名陵游以吳興者為勝根狀如牛

膝其味甚苦

紫苑 太平寰宇記長興縣紫花澗芳蕪中出紫苑

黃精 西吳里語菁山產 成化湖州府志菁山舊傳葛洪種黃精於此至今多黃菁

松黃

吳興掌故松之精有三用茯苓松脂與松黃也

松黃酒服之輕身療病與脂苓之功相上下養老新

書松蓋去赤皮取嫩白者密漬之畧燒令蜜透勿太

熟極香脆

王履吉謝劉司空自呂山寄松英藥餌詩  
坦林畫永團松蓋弁壑春英長藥苗寄我

遠從丹洞口報  
君惟有白雲謠

石菖蒲

山家清供吳興多石菖蒲可栽為盆玩

吳興掌故

山澗幽僻處多石菖蒲性幽不可近塵土及烟氣養  
老新書云夜繁間置一兩盆可以收烟不薰眼此非  
知蒲性者一經油烟則色暗無光久則泥爛塵土著  
亦能醮碎天暖常以清泉濯之無清泉則承黃梅雨  
水大缸置之幽處時時濯洗冬則置淨室三月下旬  
方可移置庭除覆蔽日色然後茂美本草云久服輕  
身聰明不忘  
延年藥也

茱萸

崇禎烏程縣志土產者湖人用以作羹俗名楸

火

前胡

名醫別錄各處皆有出吳興者為勝根似柴胡

而柔軟本經上品有茈胡而無此晚來醫用之

素伏翼

萬歷湖州府志長興西山伏翼澗中多產伏

翼有素翼赤腹十載倒掛者

紫石英

西吳里語烏程縣龍山產

自然銅

萬歷湖州府志藥之屬出安吉

石鍾乳

萬歷湖州府志出黃龍洞

金剛纂

嘉靖安吉州志出大日其樹長不滿二四尺

多屈曲春夏亦無葉每觸其枝曳裾不前相傳剝其末漬水水必毒曰人瘴

薤

談薤孝豐彭祖墓有薤刀鎌犯之輒有暴風疾雨

嘉靖安吉州志世傳是薤春不種而生秋不收而榨

鴨

宏治湖州府志水鄉人家蓄之者甚多

野鴨

崇禎烏程縣志鳧俗名野鴨冬月野鳧成羣而來動盈千萬聲如疾風

報春鳥

顧渚山茶記

山中有鳥每至正月鳴云春起也至四月云春去也采茶者咸呼為報春鳥

黃雀

嘉靖浙江通志

出德清形似雀而小惟冬春間

有之

萬歷湖州府志出德清十三都蘆渚冬月肥美可食謂之披綿

豪豬

宏治湖州府志俗呼野豬脊有長鬣三四寸利

如錐今山間有之

猴

宏治湖州府志孝豐天目山多有之

白魚

魚經太湖出白魚梅後十有五即入時白魚最

盛謂之時裏白

西吳枝乘五月夏至前五日吳興太湖中白魚向湖側淺水菰蒲之產

子民得採之隋時貢於洛西吳里語白魚惟湖州有之蘇常郡則無也四五月間水漲其味尤佳葉氏避暑錄云太湖白魚冠天下即此也蘇人於此時以水函之歸賣為佳品

鰮魚

崇禎烏程縣志湖魚之最佳者所謂小頭魚出

太湖者鱗白出龍溪者鱗黑更肥美

吳興掌故湖魚佳者莫過於鮐



土名鱖魚大風起湖中即網得之郭西大龍溪中得者最佳

鯿魚 太平寰宇記浮玉之山茗水出其陰中多鯿魚

崇禎烏程縣志鯿一作鯿出太湖大者名刀鯿甚肥

美小者亦可為鮓郭璞浮玉山鯿魚讚陽鑿動日土蛇致宵微哉鯿魚食則不驕物在

所感其用無標

鰕魚 歸安縣志三月間肥美可食不減銀鱖

鯽魚 宏治湖州府志出湖蕩最肥冬月尤美

銀魚 魚經其形纖細明瑩如銀太湖之人多鱖以鬻

焉長者不過三寸吳興掌故出安吉州梅溪之下其

品上美崇禎烏程縣志銀魚在蜆蚌上寄生者甚小色白如銀東坡贈孫莘老詩今日駱駝橋下

泊試看修網出銀刀一名鱖殘魚又謂麩條魚相傳吳王食鱖棄其餘水中又名王餘大者有尺許長名

串子銀魚

小魴魚 吳興掌故春三月有一種小魴名魴沽大者

三寸

烏鱧 吳興掌故烏鱧極多湖人少食者葆光集載雲

人漁者將箬籃捕魚往收之際見一鱧長數尺枕箬

上將鐵叉射之不中看箬內有小鱧漁者知其子也

隱候之良久復至漁者悟而祝云若有變當放爾子

魚乃吐黃氣一條上有一僧長數寸頃乃沒漁者駭

而放之湖人好傳其事故鮮食者

鰻

吳興掌故鰻乃寄生非胎卵物也烏鱧鬣上春深

有細蟲即鰻也稍能游泳即脫去松江秋深鰻始盛

謂之落鰻湖中止食春鰻鰻至秋涼始去湖入海

異形魚

西吳里語孝豐天目山上有兩池其泉甚美

有異形之魚

魚鮓

王羲之吳興鮓帖今作北方脯二夾吳興鮓二

器蒜條四千二百蔡寬夫詩話吳中作鮓多就溪池

中蓮葉包為之味比餅缶中者尤佳張文規詩云食

有吳興鮓白居易詩云就荷葉上包魚鮓是也

鋪花鱸鱠

西吳里語鱸鱠唐吳德昭善造時人嘲之

曰鱠若遇吳縷細花鋪若非遇吳費醋及葫江東呼

蒜為葫蘇東坡云吳興庖人斫鱸鱠亦足一笑鄉上

以此為盛饌製時鋪成花草鸞鳳或詩句詞章務臻

其妙造蓋亦甚得法謂之金蓋玉鱠

綠蛇

談薈顧渚山頰石洞有綠蛇長三尺大類小豬

好棲樹杪視之若鞏帶無毒能飛

蟹

成化湖州府志蟹在九十月間甚肥美出曹溪者

尤佳

吳興掌故相傳太湖產紫鬚蟹自爛溪以東至

入海輸與海神此大誕妄蟹子未成時曰黃黃中有

細骨黃依以生非稱芒也入海則黃化為子而芒亦

漸長至春深散子則芒亦輸出蟹腐矣

好事者傅會大率如此不但蟹芒也

蝦 宏治湖州府志出太湖色白軟而味鮮

蛭 西吳里語德清長橋下蛭味特佳

蠶 吳興掌故湖人養蠶看火都聽命於天時而古法

則以人力勝之古人立蠶室甚密藁簾重蔽之南風

則閉南窗北風則閉北窗內設火院五處蠶姑以單

衣為寒煖之節單衣覺寒則添火覺熱則減火一室

之內白地至屋無不暖之處故天時不能損其利也

又飼蠶備葉荒有二法葉少時以白米粉摻於葉上

餌之其絲更光白而紉又秋葉未落時採完好者曬

乾為細末常置暖處蠶時遇雨葉濕則以乾末摻葉

上均其水氣兼乾葉易飽難饑 西吳枝乘吳興以得

烏飛其聲曰著山看火湖民謂之蠶鳥又有小

蝦亦以蠶時出市民謂之蠶花蠶熟則絕無矣

謹按蠶桑之法莫勤於湖民蠶月之際合村閉戶婦

女蓬垢曉夜不眠良可憫也惜湖民不善組織絲成

冬買別郡是以資其利者薄焉

田雞 崇禎烏程縣志黿類不一色青而花者至秋肥

美可食俗名稻花田雞又名水雞

綾 西吳里語唐湖州貢烏眼綾 宏治湖州府志湖綾

今有二等散絲織者名為紕綾合線織者名為線綾

其綾練染光彩異於他處惟郡城織之其外俱無

紗 崇禎烏程縣志吳興紡紗無花者曰真紗最白者

曰銀條紗有花者曰葵紗軟紗縐紗又有夾織紗又

有包頭紗惟雙林一方織之

絹 萬歷湖州府志有官絹有生絹惟局絹有五色可

同嘉興

紬 萬歷湖州府志有水紬有紡絲紬出菱湖者佳

苧布 宏治湖州府志白編布即今白苧布又有麻布

黃草布 宏治湖州府志出璉市有極細者暑月可為

衣今所出止可作帳不堪服

苧 太平寰宇記德清縣苧溪以貢苧為名

蠶 西吳里語湖州蠶絲有頭蠶二蠶頭蠶為上細而

白者謂之合羅稍粗者謂之申五又粗者謂之朋光

合郡皆有而獨盛於歸安

西吳枝乘其絲以三繭抽者謂合羅絲歲以充御服

見閩雜記湖絲絕海內歸安為最次德清其次嘉之崇德桐鄉杭之仁裡

同功絲 西吳枝乘以兩蠶共作繭者為同功絲值即

倍常

鵝脂絲 舊浙江通志武康出

香 太平寰宇記長興縣藝香山昔西施種香之所

筆 西吳枝乘吳興毛穎之技甲天下元時馮應科者

擅長至與子昂舜舉並名今世猶相沿尚之皆窺毫

也 宏治湖州府志出歸安善璉村

崇禎烏程縣志湖筆著名時製有蘭

蓋為最勝葉石林云製筆之法策者居前毳者居後強者為刀栗者為輔參之以麻束之以管固以漆液

澤以海藻濡墨而試直中繩勾中鈎方圓中規矩終日握而不敗故妙

硯 **吳興掌故**思陵翰墨志云宋虞酥論文房之用有

吳興青石圓硯質滑而淳墨殊勝南方瓦石今茗書間不聞有此石或無好事者發之

毛扇 **嵇含羽扇賦序**吳楚之士多執鶴翅以為扇

今湖城人製鵝毛扇頗可却暑其柄卽將羽管劈絲編織大抵皆用鵝羽其貴重者用鶴羽飾柄用瑪瑙檀香陳銅絲為釘鉸其價有至數金者

鏡 **西吳枝乘鏡**以吳興為良其水清冽能發光也最

知名者薛氏崇禎烏程縣志湖之薛鏡馳名薛氏人坑工人鑄鏡得訣大小方圓照鑒皆一

靈壽杖 **孝豐縣志**天目山仙丈峯產靈壽木可為杖

銅錫 **明一統志**武康安吉長興出銅安吉出錫

桐油 **宏治湖州府志**安吉山中多桐其子可榨為油

卞山石 **雲林石譜**湖州卞山在羣山最為峭翠奇巧

羅布山間嵌空礪魄色類靈璧而潤青尤勝葉少蘊蓋堂以就其景故號石林石上有李唐遊人題字自顏魯公而下悉署焉

武康石 **宣和石譜**湖州武康石出土中一青色一黃

黑而斑其質頗燥不堅而渾然巉巖峯巒雖多透空渲眼亦不甚宛轉採人入穴石多臥生甚廣濶度奇

巧處以鐵鑿榻取之或多細碎大抵石性扁側多刷道摺疊勢浙中假山藉此為山脚石座間有險怪尖

如銳者即側立為峯巒頗勝青州穿眼宛轉渾然可觀

春風堂隨筆武康石色黑而潤文如波浪浪人家園池疊假山以此為奇大至尋丈者絕少

桃花石 吳興掌故安吉在唐武德中改名桃州皎然

送安吉康丞詩云君吏桃州尚寄迹桃州採得桃花

石則名州之義本以桃花石為當時所重又皎然有

桃花石枕歌云下山幽石產奇璞荆人至今采不著

則桃花石又出下山

碑石 吳興記白鶴山石堪為碑材江乘記云負邱山

石精好不藉吳興

礪石 名勝志歸安縣仁王山隔水有一小山

以作礪

嘉靖安吉州志荻浦多桑皮紙疊而

魚鱗正所謂梅花紙帳也然亦不甚佳

舊浙江通志湖州出網麻潔白如芋質

人

焙籠 嘉靖安吉州志土人訪杭製為之用大竹則堅

細則弱或織為花鳥形狀亦可觀

蘆席 崇禎烏程縣志蘆溪岸多有土人採之織為席

丹礮 萬歷湖州府志葛仙翁遺製出長興方山窰

水礮 嘉靖安吉州志惟孝豐以上有之中虛可容黍

數斗不人而運或截竹置其中待水自舂搗爛如泥

輒用竹簾撈起堆積蒸曝便可成紙今之黃紙白紙

是也

魚籠 嘉靖安吉州志笑灘者土人取魚別名也黃梅

雨溢魚自太湖逆上探其往來處破竹橫溪中下置

竹籠有倒絲水風相激則竹鳴魚疑其鳴者避之不

知籠之不鳴者有機巧伏焉進不能出一笑而取

名又有網斗撈之者謂之魚媧

鹿網 嘉靖安吉州志鹿網出青松里者為上有生致

之者

虎箭 嘉靖安吉州志出孝豐有無名藥草土人取草

熬膏用以點鐵箭之首遇虎發之無不中者

鉗鍋 明一統志長興縣出

礦灰 明一統志長興縣出

茗帚 吳興記葦花蘭心曰茗吳興溪傍多生茗草可

作帚俗呼為茗帚

并帶谷類為苦帶

苦帶 吳興時草芥爾心曰苦吳興必於冬半苦草可

薺 則一絲志吳興澤出

薺 則一絲志吳興澤出

薺膏用以煎薺首級薺之無不中苦

薺 薺散安吉州志出幸豐育無各藥草土人煎草

之

薺 薺散安吉州志出青嶽里香為土育生

勅修浙江通志卷一百三

物產

寧波府

稻 成化四明郡志杭稻有早雪產象山粳稻有朱口

粳鐵粳虎皮粳產慈谿黃香粳產奉化烏粳產象山

稷 嘉靖寧波府志稷稷也或謂之粟非也呂氏春秋

曰飯之美者有陽山之稷高誘曰關西謂之糜冀州

謂之繫字書云繫糜稷也釋本草者云楚人謂之稷

大抵稷稷糜繫一物四名各因其俗耳鄞象產同

麥 成化四明郡志麥有三種大麥小麥蕎麥宋淳熙



中象山縣西隴中有麥一莖兩岐有司圖土於朝

豆定海縣志岱山蓬萊鄉周圍四百餘里土厚田瘠

所產豆多穀少

蓖麻至正四明續志出明州夏生苗葉似葎草而厚

大豆赤有節如甘蔗高丈許秋生細花隨便結實

赤菟學齋估畢明州有赤菟山土傳赤菟乃仙人所

種

蔓菁嘉靖寧波府志蔬之屬產鄞縣

雪裏蕒野菜箋四明有菜名雪裏菜蕒頭旨蓄其珍

莫比雪深諸菜皆凍此菜青青蕒尤美

香菜嘉靖寧波府志產慈谿

芥辣嘉靖寧波府志產象山

石花菜普陀山志生巖石間色近紫菜而葉碎小一

名鳳尾與紫菜皆洛迦山之產

紫菜至正四明續志生定海昌國海岸一云曰伏龍

山者著名乾則黑

鹿角菜舟山志海苔之類生東海近水巖上

苔菜吳郡賦注生海水中正青狀如亂髮乾之赤鹽

藏有汁名曰海苔產象山至正四明續志採納之密

等綠苔乾而作小束謂之苔結

山藥 至正四明續志一名薯蕷出四明者佳春生苗

蔓延籬間莖紫葉青有三尖角夏開細白花秋生實

於葉間狀如鈴二月八月採根令人刮之白色為上

青黑者不用曝乾入貢

番薯 普陀山志如山藥而紫味甘種來自日本

韭薤 名勝志昌國境有太韭大薤諸山俱在東南大

海中大韭大薤皆其山中所產也

石蒜 普陀山志根似蒜一莖數葩狀如龍爪而小

銀筍 四明山記雪竇山北巖生石乳其峯非人可升

有毛竹銀筍其毛竹自生毛筍若銀筍即銀鑲如筍

或云毛竹筍白如銀

蓴 舒亶四明雜詩聖米歉年蓴自注儉歲明人呼蓴

根為聖米

菌 避暑錄話四明山谷多產菌種類不一食之間有

中毒者蓋蛇虺毒氣所薰蒸也有僧教掘地以冷水

攪之令少頃取飲皆得全活謂之地漿楓樹菌食之

笑不止俗言笑菌居山不可不知此法

芹 至正四明續志奉化溪澗多生

禹餘糧 成化四明郡志生東海池澤及山島中狀如

鷲鴨卵 本草綱目海米亦藟草之類也生海洲上一

邊有草名海米大非蓬蒿小非薺婦女攜籃晝作蒸  
采摘仍於海中洗歸來滌釜燒松枝煮米為飯充朝  
飢莫辭若濕咽不下  
性命可假待豐時

松 嘉靖寧波府志五縣皆產

楮 嘉靖寧波府志鄞奉產楮

四色樹 成化四明郡志四明山北一峯頂上有天井

山四面各生一色樹東生梓西生松南生柏北生檉

及黃楊

海檜 老學菴筆記有二種海檜天矯堅瘦皆天成又

有刻削蟠曲而成者名土檜海檜絕難致凡人家所

有大抵土檜也 至正四明續志海檜栝柏類也葉少  
如松其質體刻成龍鳳形懸根而植

之益可  
致遠

櫻 成化四明郡志鄞縣產櫻其毛用作櫻帽櫻鞋

烏桕 嘉靖奉化縣志縣有九峯山九峯突兀產多烏

桕秋霜葉紅爛若春花

觀音柳 嘉靖寧波府志奉定間有之細柳一名觀音

柳青翠如髮而垂春三月開紅花如蓼

雞骨樹 嘉靖寧波府志產定海

李 消夏錄軍庭李產奉化成化四明郡志李子出鄞

小溪仲夏有粉紅李蠟李豐山李

楊梅 成化四明郡志出奉化有邵家塢許家塢金家

塢韓家晚大荔支小荔支鄞之小溪亦有之色紅不  
逮奉化之紫黑產東湖色白者名酪蜜脚

枇杷 至正四明續志 一名盧橘出慈谿味甘核細如

椒子

林檎 至正四明續志 出慈谿一名花紅

藤梨 嘉靖寧波府志 一名羊桃產象山

芋栗 至正四明續志 極小而味甘出慈谿

榧 成化四明郡志 翠山香山雪竇皆有惟雪竇尤著

名

金柑 至正四明續志 出慈谿飽霜者甘 定海縣志 出

馬竇沙峻者佳不能多得

金橘 嘉靖浙江通志 寧波金豆橘形似豆味甘香勝

於大橘

香瓜 至正四明續志 金子瓜形如西瓜而小有紅黃

黑三色出同畧者佳 此即香瓜

青櫛子 松陵集 出四明山極甘 紫桃軒雜綴 四明山

見每於石上得之蓋洞天中物神仙所秘耳四明七  
觀珍木嘉草菱蕘剪榮咭甘濟芳有果青櫛李光四  
明山青櫛子詩羽憶新翻帝從回餘歡未盡  
玳筵開醉拋青子香泥上留與仙家取次栽

蔗 嘉靖鄞縣志 產鄞山下稱為蔗田

糖水 容齋隨筆 甘蔗所在皆植獨福唐四明番禺廣

漢遂寧有糖水

楊萬里水糖詩亦非崖蜜亦非錫青女吹簫凍作冰透骨輕寒清著齒嚼

成人跡板橋聲

謹按糖霜有譜製法絕佳今閩人治此為利浙民多種蔗而不知造糖惟寧郡能作冰糖推其法亦可治也

山茶

普陀山志

山中最多數千百本樹高數丈丹葩

滿枝望之如珊瑚樹

成化四明郡志海紅花產定海

貼梗海棠

嘉靖寧波府志

產鄞慈土人稱關路錦

丹桂

藏一話

象山士子史本有木犀忽變紅色異

香因接本獻闕下高宗雅愛之畫為扇面仍製詩以

賜從臣自是四方爭傳其本歲接數百史氏由此昌

焉成化四明郡志今象山所產者色深而香烈他處

初無號為丹桂移之四方則色香少損此地氣然也

宋高宗有獻紅木犀花者愛之畫為扇面以賜從臣詩月宮移就日宮裁引得輕紅入面來好向烟霄承雨露丹心一點為君開秋入幽巖桂影團香生粟栗照林丹應隨王母瑤池宴染得朝霞下廣寒

小白花

普陀山志如瑞香而白葉亦微似春月花開

香散巖谷

雲麓漫抄山谷山礬花詩序云江南野中有一種小白花木高數尺春開極香野人

號為鄭花王荆公嘗欲求此花裁作詩而陋其名予請名曰山礬野人採鄭花葉以染黃不借礬而成色故名山礬海峽孤絕處補陀落迦山譯者以謂小白花予疑此山礬花爾不然觀音老人何以端坐不去耶視移小白花詩玲瓏葉底雪花寒清畫香薰草木間移植小軒供宴坐恍疑身在普陀山

杜鵑花

明一統志四明山出嘉靖寧波府志土人號

石巖花產奉化

挂蘭 嘉靖寧波府志一名見風蘭生鄞象間

荻蘭 至正四明續志一幹數花比蕙則瘦而香過之

出昌國巖竇間

瑞香 花譜出明州又名睡香處處庭院植之 王十朋瑞香花

詩長向春前臘後開要將風味鬪梅魁客從廬阜夢中得根自鄞山佳處來風折錦囊香不斷日烘寶蓋翠成堆定須移向梅溪

去栽伴吾廬桂真愧

紫茉莉 普陀山志不種自生蔓延至里許

菊 至正四明續志種類頗多有紫莖而氣香葉厚至

柔嫩可食者其花微小味甚甘

木屑花 嘉靖寧波府志產定海

金雀兒花 成化四明郡志產奉化

雀李花 成化四明郡志產奉化

毛竹 四明洞天記叢生澗邊

白竹 名勝志奉化自鮎琦而東為新嶺山其嶺生竹

高僅四五寸葉皆色白

紫竹 睽車志紹興中四明有巨商泛海阻風抵一山

下因登絕頂有梵宮焉窻外竹數箇枝葉如丹求得

一二竿截之為杖每以刀鋸削隨刃有光至一國有

老叟曰君親至補陀落伽山此觀音坐後旃檀林紫

竹也

方竹 嘉靖定海縣志葛仙翁煉丹於靈峯植箸於地

化為竹而方今巖谷間生方竹

茶 茶經出浙東以明州次鄞縣生榆美村晁以道詩

官有白茶十二雷自注四明茶名至正四明續志茶

出慈谿在資國寺山者為第一開壽寺側者次之每

取化安寺水蒸造精妙如雀舌嘉靖寧波府志茗罍

山在慈谿縣西北其山多產茶萬歷象山縣志茶出

朱溪者佳象山縣志鄭行山產佳茗珠山更多定海

縣志定海之茶多山谷野產又不善製故香味不及

園茶之美五月時重抽者曰二鳥苦澁不堪產桃花

山者佳普陀山者可愈肺癰血痢然亦不甚多得

酒 名酒記明州金波酒

雙魚酒 舒亶四明雜詩酒罍雙印貴注俗重雙魚酒

鹽 游宦記聞四明鹽白以箬盛貯邱翁曰塗中走滷

將若之何可用煨皂筴一挺置其中即無慮矣

甘草 四明山記四明山心有五朶峯南一巖有石穴

通泉流於梨洲穴生甘草

附子 明一統志各縣出附子

楮實 至正四明續志出明州有二種其實如彈丸青

色七月漸紅九月採水浸去皮穰取子日乾

海艾 羣芳譜艾一名醫草一名冰臺一名艾蒿一名

黃草處處有之產四明者謂之海艾 本草綱目艾葉出明州至正四

明續志苗莖類蒿而葉皆白三月三日五月五日採舊志云出昌國峯峇山

黃藥 圖經本草出明州藤生高三四尺苗莖類蒿十

月採根

蜀漆 至正四明續志本草云出明州葉似茗而狹長

莖圓有節紅花青萼三子為房五月採葉八月採根

治瘧要藥

天明精 至正四明續志出明州夏秋抽條如薄荷花

紫白色葉如菘而小故南人謂之地菘

骨碎補 至正四明續志本名胡孫姜入貢其根生大

木或石上多在背陰處引根成條上有黃毛及短葉

附之無花實惟根入藥採無時削去毛用之

筋子根 本草拾遺生四明山苗高尺餘葉圓厚光潤

冬不彫根大如指亦名根子味苦溫無毒主心腹痛

不問冷熱遠近惡氣霍亂蠱毒暴下血

承露仙 本草拾遺伏雞子根生四明天台山一名承

露仙其蔓延生葉圓薄似錢根似鳥形

昆布 本草綱目如繩索狀出浙東者大葉似菜蓋海



中菜也

香蓀 成化四明郡志 慈谿縣孫湖多產香蓀故名訛而為蓀

赤堇草 成化四明郡志 鄞縣東赤堇山產即烏喙

絡石草 至正四明續志 出明州葉圓如細橘正青冬

夏不彫着處即生根鬚包絡石上以得名花白子黑與薜荔相類

香草 香山記 巖谷流香即大蓬山之支也上有佛蹟巖多產香草

長生草 四明山記 生山中取之懸崖壁間雖槁得水

復鮮

成化四明郡志 卷柏俗呼為長生不死草生四明山謝靈運山居賦云卷柏萬代而不死

鶴 成化四明郡志 紅鶴產明州海島

萬歷象山縣志 南田懸海周環

一百餘里高出海中諸山多鶴鹿水多海錯

鵲 至正四明續志 出海島中然亦少得

畫眉 至正四明續志 出慈谿山谷間

江鷓 舟山志 短頸鳧也形小而多羣日處海濱或飛

鳴於山次日必起大風

青鸞 客越志 游東錢湖青鸞大如鶴羣翔碧藻間

烏鳳鵠 客越志 身黃味黑光如漆皆吳中所無

頻伽鳥 至正四明續志 昌國補陀山有之鄞縣句章

北巖亦有

野豬 舟山志生定海山谷間出則田禾園蔬無遺

九節狸 至正四明續志狸有數種然貴在九節狸玉

面狸極少

海獺 至正四明續志大如狗脚下有皮如人胼拇毛

着水不濡生海壩

貉 至正四明續志貉踰汶則不生地氣使然也今二

州四縣以皮賦

杜部魚 成化四明郡志出溪河長四五寸

石首魚 能收齋漫錄兩浙有魚名石首云是明州來

問人以石首之名皆不能言余讀張勃吳錄載吳有

石首魚至秋化為冠鳧頭中有石 續表錄異石首魚狀如鱸魚隨其小

大腦中有一石子如蕎麥瑩如白玉海族志腹中膠可作膠成化四明郡志石首魚首有鮐細如牙堅如

石故名石首臘月則朝皮為良三月八月味次之孟夏之交緣海之民以巨艘小舫競入洋山海中捕取

潮汛往來有陸謂之洋山魚

春魚 成化四明郡志形似石首而小每春三月業海

漁人競以舟載竹莆出海捕之名曰捉春冬月莆中

得者名曰莆春

梅魚 海味索隱鯉魚黃魚各有一種肉與味亦自不

同即如吾郡梅魚比黃魚極小肉與味正相似閩中

呼為小黃魚其鱗色燦爛金星如大黃魚也然又各  
自一種今合鯉魚為一種誤矣

鯉魚 天啟慈谿縣志鯉身多刺長不過五六寸肥腴

可食晉虞肅父答晉帝云天時尚溫鯉未熟是也至

四明續志黃魚又曰刀魚頭狹薄其腹皆如刀刃故名其長大者可尺餘子多而肥明州人夏初曝乾可以致遠又可為鮮其子乾名寸金鱸子又云糟之可作湯嘉靖寧波府志青鱈冬月尤美海錯之佳者產

能奉 箭魚 成化四明郡志即江湖鱗魚海出者最大廿肥

異常 箬魚 成化四明郡志其形似箬生海中極大名鱮鰻

規魚 補筆談鱈魚吹肚魚非本草所載河豚規魚浙

東人所呼其生海中者腹上有刺名海規吹肚南人  
通言之以其腹脹如吹也

魷魚 至正四明續志形圓似扇無鱗色紫黑口在腹

下尾長於身如狐尾大者曰鮫魷與魷魚可錯靶其  
次日錦魷去沙煮爛與鱉裙同又次日黃魷差小背

黑腹黃其餘有斑魷牛魷虎魷魷字或作魷

馬魷魚 至正四明續志形似鱸其膚似鮓黑斑最腥

鯊魚 成化四明郡志鯊魚之名有白滿黃頭白眼白

蕩青頓牛皮鹿文燕尾犁鏡熨斗丫髻劍刺及斑鯊

狗鯊鯪鯊鱸鯊虎鯊香鯊鋸鯊其類甚多

吹沙魚 埤雅 鮎鮓常開口吹沙性善沉大如指狹圓

而長有黑點俗呼為新婦臂味甘今奉化鮎崎鎮有  
之名吹沙魚頗以為珍異

琵琶魚 成化四明郡志 華臍一名老婆魚一名鰻魚

蓋其腹有帶如帔子生附其上故名鰻其形如科斗  
而大者如盤吳都賦注曰此名琵琶魚無鱗而形似  
冬初始出者俗多重之至春則味減矣

黃滑魚 至正四明續志 似春魚而肉細冬月得之為

美又一種烏眼白眼皆相類

鯮魚 爾雅 翼鯮形如惠文如便面惠文武冠名便面

古扇名也 至正四明續志 鯮魚形如覆斗青褐色十  
二足長五六寸尾長一二尺其殼堅硬有  
橫紋一線軟可屈摺尾有刺口足皆在覆斗之下海  
中每雌貪雄漁者必雙得化者有目牡者無目韓退  
之詩鯮實如惠  
文骨眼相附行

四腮鱸 成化四明郡志 產海中四腮有江鱸差小而

兩腮味淡有塘鱸形巨不脆

肋魚 至正四明續志 似箭而小身薄細骨滿防明州

夏初多出

鯮魚 至正四明續志 似鯉生淺海中專食泥身圓口

小骨軟肉細

烏鰂魚 西陽雜俎形如算袋口傍兩帶極長遇風則

蚪前一鬚下可其腹有墨遇大魚輒放墨方數尺以

混其身然羣行水中人見墨水至輒可筭羅而得之

骨如通草可刻名海飄蛸入藥

短魚 海族志頭縮而短色紅為養極美

銀魚 至正四明續志口尖身銳如銀條又一種極小

名麵魚 爾雅翼王餘即此類舊志載在此目項下非也

火魚 至正四明續志頭巨尾小身圓通赤故以火名

之又有一種名竹麥魚頭身俱扁微紅其形頗相類

蛇魚 圖經本草蛇魚一名水母生東海形如覆笠腹

下有赤血如芝謂之頭常泛海有蝦立其上其白肉

縷切用礬浸謂之水母線可以致遠 成化四明郡志

一名水母生東海形如覆笠肉白

海鰈 舟山志大者長數十丈海中浮載如一二里山

俗呼為浮礁舟行避之

風鰻 成化四明郡志生海中者可六七尺冬月鱗之

名風鰻

彈塗 至正四明續志闌湖形如子鰻而短大者如人

指潮退數千百跳躑塗泥中土人使小鉤取之一名

彈塗椒醬脂之

鰾鮓 至正四明續志形似魷以鹽滷之曝為鮓名曰

鰾鮓俗又呼曰老鰾鮓去皮生擘成絲充果餠

魚鮓 嘉靖奉化縣志袁村所產最美

海鮮 鶴林玉露有浙人侍壽皇宴因談肴核上問其

鄉里所產對曰螺頭新婦臂龜脚老婆牙皆海鮮也

吳萊初海食詩故人草衣來為我具杯盤盤中何所

有海族紛攢積盲風吹衣冷縵雨洒席寒春魚白如

刀小棹臨碧滄淡菜類山結巨饅就石剉水母或潮

捲蝓蟬乃泥蟠蛟鼈惜不得丸問龜與龜其餘亦瑣

碎充此一日歡洗濯烟瘴氣磨礱沙淤瘕非歟者土

炭否則殊鹹較珍須壓狔獨異且輕馬用裹味分單

網腥涎雜瓢筆奈何齊魯邦徒設郊宮餐對之

輒棄置誰謂吾腹寬川澤禮當爾勿云行路難

謹按陸雲答車茂安書云斷過回浦隔截曲隈隨潮

進退採蚌捕魚其蚌蛤之屬日所未見焉所未聞品

類數百難可盡言據此則寧郡鱗甲之屬舊志不傳

者多矣山海之利天自產之名雖不傳而物未嘗缺

也特博識者難爾

江瑤柱 老學菴筆記明州江瑤柱有二種大者江瑤

小者沙瑤然沙瑤可種逾年則成江瑤矣宛委錄奉

化縣四月南風起江瑤一上可得數百如蚌稍大肉

腥韌不堪惟四肉柱長寸許白如珂雪以雞汁瀹食

肥美過火則味盡也 侯鯖錄玉瑤柱厥甲美如瑤玉

賦云玉瑤海月吐納石華退之謂馬柱甲是也世人

物產三

康作清江

卷一百二十三

五

媲美空將  
荔子褒

蠣房 嘉靖寧波府志 形如駝蹄附巖石生相連如房

左顧者牡右顧者牝房內有蠔肉亦有柱肉之大小

隨房每潮來諸房皆開有小蟲入則含以充腹鮎崎

海巖生者僅如人指甲挑取肉謂之梅花蠣扈竹結

成謂之竹蠣 劉子輦食蠣房詩 蠣房生海端堅頑宛

包藏硯礪相附積終逢霹靂手妙若啟扇鏽鑽灼諒

難堪易不吐餘瀝南庖富腥盤豈惟此稱特吞航大

絕倫榜鬻萬夫食針麟九牛毛小嚼逾千百光螺暈

紫瑩籃膏湛金色水母脆鳴牙章舉懸疣密烏粘力

排弄黏石不可索妾魚戲浮波媚鮪雌雄匹蟹曝輟

橫鶯驚縮常畏出車螯不服箱馬鯪非駿跡江環貫

一佳嗟豈棟梁質骨柔競愛饕多鯁鯪乃斥蚶

鮎小瑣冗難盡述包涵知海量長養荷天德貪生獲

類繁失地波濤窄網單人設險甘鮮已為厄紛然均

適口流品當別白微物 倘見知捐軀寧足惜

海扇 任士林海扇詩注海中有甲物如扇名曰海扇

文如瓦屋三月三日潮盡乃出 任士林海扇詩漢宮

篋秋風初網蟲蒼蒼恩自淺猶抱明月馮夷昇至今

生怕秋風面三月三日纔一見對天搖動不如烹肯

向五雲 消暑殿 鮎 元豐九域志鮎蚌也鮎崎亭其中多鮎故以名亭

四明七觀寸鮎腹蟹亭以崎名注奉化鮎崎山產鮎

頭師古曰鮎蚌也其長一寸廣六分有小蟹在腹中

定海縣志 蠔蚌如螺半身

淡菜 海族志亦名殼菜形似珠母一頭尖中銜小毛

劫修新工通

卷一百二十三 物產三

七

多生南海

本草釋名浙人呼淡菜曰東海夫人瑯琊記又名文齧玉環志去其殼不着鹽而乾

之故名淡菜四明七觀蚶菜疲民君嚴奏免注明州歲貢淡菜蚶蛤之屬唐孔戣以為自海抵京道路役

夫奏罷之

蝓蚌

成化四明郡志并蝓十足生海邊泥穴中小而

黃者謂之石蝓蚌最大者曰青蝓小者曰黃甲後足

濶者曰撥棹子城東江濱有蝓蚌廟俗傳有漁人獲

一巨蝓蚌為巨螯鉗而死今廟即其地前賢多呼四

明為蝓蚌州舒懶堂述里諺云八月蝓蚌健如虎埠

雅云蝓蚌兩螯至強能與虎鬪

兩航雜錄浙蟹有數種一日蝓蚌南人謂

之撥棹言力可撥棹也隨大潮退殼一退一長一日蝓乃蝓蚌之大者兩螯無毛一日擁劍一螯大一螯

小常以大螯鬪小螯食又名桀步一日虎螯大者有

虎斑文一日招潮潮欲來出穴舉螯迎之一日灘塗

越即彭蠡也一日蛄蚌似蟹有毛而赤性極寒一日彭

障日用小螯以食一日沙狗穴沙中見人則走或曰

少鉤從沙中鉤取之也味甚美一日數丸競搏土作

丸滿三百而潮至一日蘆虎雨螯正赤不可食一日

蝓似彭越而小一日蠟肉殼而多黃其螯最銳斷物

如芟刈焉食之行風氣

螺 定海縣志生深海中殼可為酒杯者曰鸚鵡螺

白而香者曰香螺殼尖長者曰鑽螺味次之有刺者

曰刺螺其味辛者曰棘螺又有拳螺劍螺斑螺丁螺

綱經本草海螺即流螺歷日甲香生南海今明州有

之或以台州小者為佳諸螺之中此肉味最厚南人

食之南州異物志云甲香大者如甌而其殼雜眾香



螺子取其帶修合成也海中螺類絕有大者味腥潔如珠鸚鵡螺形如鸚鵡頭並可作杯梭尾螺者皆不入藥

蛤 至正四明續志蛤蜊亦云圓蛤殼口有紫暈者肥

美善醒酒黃山谷詩商略督郵風味惡不堪持到蛤

蜊前 鄞縣志黃蛤每一潮生一暈殼有紋海濱人以苗栽泥中候其長而取之本草會編蛤生海中

浙人以其肉充海錄其殼煨作粉

海蝦 至正四明續志海中蝦有赤白青黃斑數色青

者有大如兒臂長尺餘鬚長三尺土人珍之梅熟時

曰梅蝦蠶熟時曰蠶蝦又有生於潮生於河皆青黑

色生於江白色

蝦鮓 太平寰宇記明州舊貢紅蝦鮓

蝦米 太平寰宇記產明州

蟪 至正四明續志生海泥中長二三寸如大指為甚

肥含津口常開不合

蚶 郭璞江賦洪蚶專車至正四明續志有瓦壘蓋殼

上有稜似之故名有芽蚶殼稜細而肉肥多出鮭崎

亦採苗種之海塗謂之蚶田

蟻 鄞縣志生於海巖或簷竹又一種曰老婆牙

蟻 至正四明續志俗呼生進似蛤而長殼有毛亦呼

毛蛤一曰蟻蟻

章巨 成化四明郡志大者名石拒居石穴人取之能

以脚粘石拒人又別有一種生海塗中名望潮土人

呼為塗蟾一種曰鎖管脚短無釘

肘子 成化四明郡志殼下尖而上濶中有肉惟取肉

為饌

土鐵 海味索隱一名泥螺出南田者佳梅雨收製

海鏡 定海縣志瓦楞子本名鬼蛭一名蟻一作蚌殼

圓厚而有紋儼如屋瓦楞海月形圓如月亦謂之海

鏡土人鱗次之為天癩

綠毛龜 成化四明郡志宋祥符七年明州獻青毛龜

今漢洞有小如錢者取育於池亦漸長大

蜥蜴 成化四明郡志形如蝦蟇四足皆有金絲生山

石潭中禱雨即應凡禱出水面罩至城將雨則送故

處

綾 四明七觀注明州土貢吳綾交梭綾

畫絹 嘉靖浙江通志寧波畫絹色白絲勻宜畫

皮紙竹紙 至正四明續志皮紙出鄞縣章溪竹紙出

奉化棠溪亦有皮紙

硯 硯箋明州石硯石甚狃見米帖

假倭扇 七修類藁寧波人造泥金彩漆縹霞宣德間

遣人至彼傳其法

油 成化四明郡志寧波油共五品麻菜豆桐柏

魚膏 太平寰宇記明州脂澤悉用魚膏

席 成化四明郡志甬東多種蓆草民以織蓆為業著

四方曰明蓆

佛祖統紀建炎三年十二月浙東制置使張俊與金人戰於明州西門俊見民

間多織蓆遣兵斂取之以重蓆覆於路金騎踐蓆上皆足滑而仆因急擊之斬獲甚眾

熏籠 至正四明續志明州熏篝焙籠他郡鮮有

漆器 嘉靖浙江通志寧波出描金漆器

謹按寧郡切近海洋自設立海關以來外洋諸貨畢集居民遂摹仿為之如漆器之類雖不及洋製而民間亦貪之以為利他如紙扇銅硯小刀之屬亦多

金錫 山海經句餘之山多金錫

銅 明一統志奉化縣產銅

生鐵 至正四明續志廣船販至冶成器用釜差勝

手磬 百寶總珍集明州多販到無破損聲圓長者為

妙

五色石 四明圖經奉化縣烏峯臨溪其石五色似花

鈿

普陀石 池北偶談普陀巖石有大士像華鬘天然竹

林鸚鵡善才龍女形悉具琴客程生曾見數枚

琅玕石 宣和石譜明州昌國縣沿海近淺岸水底生

東傳海通記 卷一百二  
三  
琅玕石狀似珊瑚或高二三尺漁獵者多得之初出  
水色甚白經久微紫黑紋理如織枝幹一律遍多潤  
圈跡扣之有聲稍燥土人不甚貴遠方多裝治假山  
奉化石 雲林石譜明州奉化縣諸山大石中每擊取  
之卽有平面石色微黃面稍潤扣之無聲其紋橫裂  
兩道如細墨描寫一帶夾徑寒林烟露濛朧之狀或  
濃墨點染成高林與無爲軍所產石屏頗相類

勅修浙江通志卷一百二

勅修浙江通志卷一百四

物產

紹興府

八貨 越絕書甲貨之戶曰粢爲上物賈七十乙貨之  
戶曰黍爲中物石六十丙貨之戶曰赤豆爲下物石  
五十丁貨之戶曰稻粟令爲上種石四十戊貨之戶  
曰麥爲中物石三十己貨之戶曰大豆爲下物石二  
十庚貨之戶曰穡比蔬食故無賈辛貨之戶曰菓比  
蔬食無賈壬癸無貨

粳稻稷稻 宏治紹興府志稻有粳稷凡十九種今畧

書其常植而易識者駝犁望三種有六十日七十日

八十日占城二種有早占城寒占城粘四種有早

晚白早黃晚黃涂蒙三種有早晚北白色者種有早

白晚白粘白光頭白撩水白霜下白銀條白辦白矮

白羅村白烏色者四種雁來烏老丫烏早烏粳晚烏

粳紅色者二種有大紅小紅紹興府志稻種甚多嘉泰志列五十六種詢之

農家多不能識今據山會新志採錄八邑大約相同

早稻曰紫口甲朝穉蠶群細稈早白黏晚稻日晚白

黏料水白餘杭白雅蒙鳥即不驚脚黃健脚青宜興

白以上俱秈類宜炊樞孺寺看水鮮羊鬚粥早黃

黃殼紅黏以上俱秈類宜釀

黃秈嘉泰會稽志會稽獨有黃秈之名秈音仙字書

云秈稻也他無以秈名者徽饒之間謂小米為秈與此不同

麥紹興府志大麥秋種立夏前熟有晚大麥穗長子多與

小麥同熟六稜麥中早麥紅黏糯麥堪作小麥十月

種小滿前熟有早白麥松蒲麥芒秀如松房娜麥穗如大麥

蘆稌夢溪筆談稷乃今之稌也紹興府志今呼為蘆

稌以其形似蘆也然不常植山中或有之

白豆穀譜浙東一種白豆味更勝

乳粟萬歷山陰縣志粒太如雞豆色白味甘俗名遇

粟

稗宏治紹興府志一名烏禾越民種之其性堪水旱

歲饑充食不減梁米釀酒踰黍稷

乾菜蕭山縣志白菜淹之曬乾貯甕內日陳乾菜久

愈美

苧菜蕭山縣志其所結子爛煮之味甘如蜜

蔓菜宏治紹興府志甚耐霜菜也越人呼為蔓菜有

矮黃麻葉二種其羊角蔓越土種之則變

仙人菜餘姚縣志春夏雷雨驟作俄產白水山崖石

上立採可得移時無種

南瓜述異記會稽嘗有五色瓜山陰縣志五色瓜即

名飯瓜 食易飽

西瓜寶慶會稽續志越瓜大者色正白越人當果食

之去煩熨解酒毒宏治紹興府志西瓜產蕭山者最

剡縣如秋 者更勝

葦呂氏春秋菜之美者越路之茵是也會稽錄茵今

謂之芟首菱心生臺至秋如小兒臂其白如藕軟美

異常

茄嘉泰會稽志會稽有水茄亦名銀茄云是新羅種

形如雞子

蔥嘉泰會稽志會稽園夫藝蔥有兩等其小而美者

物產新工通志 卷一百四 物產四

蕨 蘇秦會稽志 會稽園夫蕨蕨首兩善其小而美許

洪敏巖年不取蕨者 蕨蕨酒助養我

蕨 蘇秦會稽志 會稽白水蕨亦谷地蕨云吳縣蘇

吳常

行蕨之受首蕨心坐蕨至味吸小泉贊其白吸蕨薄美

蕨 呂丹春蘇菜之美許賦亂之南吳也 會稽蕨蕨今

許 蘇秦會稽志 蘇秦會稽志 蘇秦會稽志 蘇秦會稽志

西入 蘇秦會稽志 蘇秦會稽志 蘇秦會稽志 蘇秦會稽志

蘇秦會稽志 蘇秦會稽志 蘇秦會稽志 蘇秦會稽志

食是單 谷適也

凡筍宜蒸則味全

蕨 萬歷蕭山縣志 蕨出湘湖味至美較勝他產 袁宏

中雜記 蕭山櫻桃為鳥蕨菜皆知名而蕨尤美採自

西湖浸湘湖一宿然後佳若浸他湖便無味浸處亦

無多地方圓僅得數十丈許其根如荇其葉微類初

出小荷錢其枝如珊瑚而細又如鹿角菜其葉如水

如魚髓蟹脂而清輕遠勝半日而味變一日而味盡

此之荔支尤覺嬌脆矣惜乎此物東

不踰紹西不過錢塘以故世無知者

蕨 嘉泰會稽志 東坡詩慚愧春山筍蕨甜今會稽以

蕨配筍為茹尤珍美 蔬譜會稽山間有一種似蕨而

毛蕨不可食鄉人但以藏蕨及藉楊梅取其

性疏而不泄備也蕨青而蕨紫故曰紫蕨

芹 四明圖經 產越中白馬山者最香美土人雜芥為

物產新工通志 卷一百四 物產四

菹沃以醯醬味絕妙

蕺會稽風俗賦採蕺于山注岑草也越王種之名勝

志蕺山少木多產蕺宏治紹興府志蕺蕺菜越人呼

其根食之謬曰豐年惡爾臭凶年賴爾救柳史彙編越蕺葉似喬麥地肥亦能蔓生莖葉紫赤色多生山谷陰處吳越春秋云越王嗜蕺嘗採於此山故名

葛粉爾雅翼越葛花藤皆可醒酒明一統志各縣出

葛粉

山蔓菁列仙傳劉綱夫婦隱居四明龍泉山植山蔓

菁為食婦先綱仙去謂綱曰菜熟亦仙

海藻卑雅浙右山嶺重阻人鮮病瘰者按本草海藻

昆布青苔紫菜皆療瘰癧結氣被海之邦食此故能療之也

禹餘糧宏治紹興府志嵊縣了山產

芝麻宏治紹興府志越人不多植山中有之可為油

乳餅嘉泰會稽志中州烝潼取酪酥以雍酥為冠而

越中尤佳凝厚者曰乳餅

桑四明圖經有如錦之桑會稽三賦注諸暨出第一

次有如畫作可為履韜宏治紹興府志舊志云會稽產如錦之桑然今越產多野生謂之烏桑梅者反不及之

松名勝志蕭山縣北幹山多植松故有北幹松風之



稱

柞 風土記始寧剡界山多柞木越人謂之櫪木

櫪 水經注若邪溪上有一櫪樹謝靈運與惠連嘗游

之作聯句題刻樹側

檀 淳熙雜志郊祀五輅車材以剡中檀木為之

楮 宏治紹興府志楮穀也出剡中皮斑有瓣者為楮

皮白者為穀無瓣者為構

檉 宏治紹興府志出餘姚四明山俗呼西河柳其葉

甚細似柏而香天將雨水則生花試之多驗

楮 宏治紹興府志蕭山縣楮木堰以其地舊產楮

阜莢 列仙傳劉綱隱四明山觀前阜莢樹一株相傳

為綱登仙之木 寶慶會稽續志劉綱  
仙樹在餘姚祠宇觀

櫻欄 山陰縣志櫻山產

沉香樹 袁宏道游五泄記青口有古木一株土人云

是沉香樹一年一花

松陽木 宏治紹興府志木甚大或云即豫章也舊志

云唐時越城多生豫章樹每風雨聞鐘鼓聲宋時無

復存矣

貝多木 宏治紹興府志唐貞觀間寶掌禪師所植在

諸暨寶掌巖上

梅 餘姚縣志餘姚有古梅苔絲四垂疏花點綴他處

所無梅譜項里有古梅苔絲封枝天矯如畫令人愛玩吳綺詩注越產雖佳移植即變不如吳興

消梅 嵒縣志梅有金剛拳大如桃名消梅堅脆經秋

不落

雪桃 嵒縣志桃有冬熟者名雪桃

李 嘉泰會稽志李惟剡溪者見稱

櫻桃 嘉靖浙江通志蕭山櫻桃名櫻珠賈慶會稽續志出蕭山縣

夏孝鄉宋宦者董清臣為供奉官每櫻桃宴即於未出時遣人往越買得百顆奏曰清賞櫻桃可知越州櫻桃美矣然蕭山更勝他邑

楊梅 嘉泰會稽志今出項里何塔六峯塘裏其品之

最佳者曰官長梅色深紫香味俱絕曰線梅有紋隆

隆如線色尤紫實大核小可亞官長梅也方盛出時

好事者往游因置酒舟中高飭楊梅與樽罍相間婦

女簪於髻上又以雀眼竹筥盛貯為遺唐人所稱荔

枝筐不過如此萬歷蕭山縣志有接種大而味佳有草種細而味酸色深紫出湘湖諸塢

者為勝方其未甚熟時以火薰之名楊梅乾極佳劍南集詩注項里鄉俗謂楊梅止曰梅謂選擇楊梅日作梅宏治紹興府志上虞楊梅峯在小江上林壑茂密上多楊梅能改齋漫錄越州楊梅最佳土人謂之楞梅舊浙江通志今餘姚之燭湖最佳次則蕭山陸

游六峯項里看採楊梅詩綠陰翳翳連山市丹竇纍纍照路隅未愛滿盤堆火齊先驚探領得驪珠斜簪寶髻看遊舫細織筠籠入上都醉裏自矜豪氣在欲乘風露摘千株

石榴 剡錄越人避錢鏐諱呼石榴爲金彪

青棗 嶺縣志嶧山棗灣有一種青者今無

木瓜 爾雅翼楝瓜實如小瓜而酢陶隱居云山陰人  
以爲良果蘭亭尤多

榧 平泉草木記木之奇者稽山之榧會稽風俗賦火

榧殼玉

梨 萬壚山陰縣志越人呼爲梨頭如木柵之馮家梨  
映日紅破塘之清消梨俱最佳

林檎 會稽三賦注高公山出千貫文林檎

蒲萄 嘉泰會稽志會稽有漿水馬腦二種味亦佳

栗 廣志越中栗大如拳 全芳備祖諸暨產如拳之栗  
能改齋漫錄政和中詔本州

貢焉栗固大於他州  
然如拳者終不可得

橙 全唐詩話張籍詩山路黃橙熟此刻中風味也橙  
惟剡尤多

橘 述異記越多橘柚園越人歲出橘稅謂之橙橘戶  
亦曰橘籍吳闕澤表曰請除臣之橘籍

密橘 明一統志紹興出

小橘 餘姚縣志產東山謝氏園者曰謝橘小而甘

金橘 嶺志橘種有小如彈丸者名金橘如棗者名金  
棗如豆者名金豆

山查 嵊縣志 生大白五龍四明諸山者樹高盈丈實

如大腹子味極甜脆

蔗 會稽三賦注 赤者名崑崙蔗白者名荻蔗赤者出

會稽作乳糖宏治紹興府志 山陰靈芝鄉出蔗 羣芳譜蔗

糖以蜀及嶺南者為勝會稽所作乳糖視蜀更勝

蓮 嘉泰會稽志 山會諸水往往芙蓉環繞夏秋之間

川澤如錦土人取蓮子藕根為利 會稽三賦注 山陰

三山多白蓮出三江門至梅山多紅蓮夏夜香風一二十里不絕

藕 刻錄 越藕最佳謂之花下藕又特出羅文藕在禹

廟前他皆不逮 本草 白花藕最佳為粉益人

菱 會稽三賦注 越中所產惟羅文菱最大 嘉泰會稽志 卽所謂

腰菱也

芡 嘉泰會稽志 雞頭又謂之雁頭今山陰梅市之雞

頭最盛有一戶種及十八里者然亦有數等小白皮

最佳大白皮中白皮其皮頗堅難齧黃嫩又太輭皆

不逮也其柄又可為葅甚美越人謂之藕梗其實芡

柄耳

牡丹 花木譜 越中牡丹開時賞者不問親疏謂之看

花局澤國此月多有輕雲微雨謂之養花天 僧仲殊越中牡丹

丹花品序越之好尚惟牡丹其絕麗者三十二種始乎郡齋豪家名族梵宇道宮池臺水榭植之無間歐

陽修洛陽牡丹花品序牡丹出丹州延州山東青州南亦出越州陸游賞花至湖上詩吾國名花天下稀園林盡日敞朱扉蝶穿密葉常相失蜂戀繁香不記歸欲過用愁風蕩漾半開却要雨霏微良辰樂事真當勉莫遺矣  
匆一片飛

海棠 平泉草木記木之奇者稽山之海棠

黃梅 嘉泰會稽志剡中獨多千瓣黃梅今無又有蠟

梅二種磬口者佳

木蘭 鎮東軍使院記大厦之前木蘭特異越城之中

稱為一絕

山茶 學圃餘疏潯陽陶狄祠山茶一株餘大盈抱枝

蔭滿庭二月三日祭時花特盛好事者分種之竟

一活紹興曹娥廟亦有之止如拱把之半土人云千年外物也

杜鵑 平泉草木記稽山之四時杜鵑嘉泰會稽志越人種之庭檻結

為盤孟翔鳳之狀而法華山奉聖佛殿前一  
本高與簷等花色殷紅開時照耀牆壁皆赤

映山紅 袁宏道游五泄記山中映山紅有高七八尺

者與他山絕異

紅桂 平泉草木記木之奇者剡中之真紅桂程顥剡桂詩序

李德裕嘗言洛龍門敬善寺有紅桂樹獨秀伊川嘗於江南諸山訪之莫致陳侍御知余所好因訪剡溪樵客偶得數株移植郊園眾芳色阻乃知敬善所有是蜀道蒨草徒得其名

桂漿 沈遼桂漿詩越人遠寄桂花漿做屋欣聞破鼻

香

木芙蓉 平泉草木記會稽之百葉木芙蓉注即拒霜

也

貞桐 平泉草木記稽山之貞桐注其花鮮紅可愛且

耐久

忍冬 嘉泰會稽志一名鴛鴦藤出鏡湖水涯香如茶

藤末利可植園圃為架承之

雙頭蓮 會稽三賦注越多雙頭蓮

白鶴花 劉詵白鶴花詩注玉笥山中有白鶴花頂翅

宛然

薔薇 平泉草木記會稽之百葉薔薇

蘭 琴芳譜句踐種蘭蘭渚山即王右軍蘭亭是也今

會稽山甚盛餘姚縣西南並江有浦亦產蘭其地曰

蘭墅洲自建蘭盛行不復齒及移入吳越輒凋有善

藏者售之輒得高價而香終少減

蘭今山蘭 宏治紹興府志會稽有山蘭而無澤

人家罕種

謹按越絕無句踐種蘭之文因越有蘭渚其命名必有所自姑存之

銀蘭 嶠志百丈巖有飛瀑巖壁間嘗產銀蘭

蕙 餘姚縣志生深谷中惟治南大江獨產蕙因名蕙

江

水仙 嘉泰會稽志山陰此花有兩種一日水仙一日

金盞銀臺徐師川詩金盞銀臺何足比其香既減格

韻亦下

菊 嵊縣志知縣施三捷署圃植菊甚盛人擬之為河

陽花因有菊譜其詠詩有金絲柳玉梅白睡香毬青

心玉牡丹

陳獻章看菊詩扁舟何處剡溪濱夜半歸來雪滿巾爭似一瓢秋菊伴漆園風暖蝶

迷

竹箭 爾雅東南之美有會稽之竹箭

紹興府志越產竹箭擅名今有

二種大葉者名箬箭細葉者名筍箭墨客揮犀竹為竹箭為箭蓋二物也

黃竹 名勝志蕭山縣黃竹山竹色微黃狀如刀割

傳范蠡遺鞭所生

晉竹

吳越春秋越王使大夫種索晉竹十廩以復封

禮

筍竹

宏治紹興府志剡中甚多其筍未成時堪為弩

筴

笙竹

嘉泰會稽志今樂部笙率以會稽臥龍山竹為

貴蔡中郎得柯亭椽竹為笛亦會稽也

毛竹

剡錄剡之金庭有毛竹洞餘姚之四明山家亦

有之

嵊縣志金庭山有竹生毛節覆一節

慈竹

宏治紹興府志仰桃枝竹又名四季竹作篾柔

韌堪為簞越人多植之為籬其竹夏月經雨滴汁下地生蓐似鹿角色白食之止痢

紫竹 宏治紹興府志越多細竹紫竹生剡方竹生玉

岑山蘆棲竹生嵊縣

苦竹 羅頎札記山陰有苦竹城越以封范蠡之子則

越自昔產此竹矣 宏治紹興府志苦竹與切竹皆可作寓錢紙苦竹種有黃青白紫頓

地仰散切竹有二種一種狗切可作紙德政坊與山陰小諸等處居民作箕篩以此為業

箨簪竹 吳越春秋袁公即杖箨簪竹

對青竹 養病漫筆竹黃而溝青每節間出惟會稽頗

多彼人呼為黃金間碧玉 紹興府志一名金竹一名閃竹其膚賦可作盆器

篆刀竹 萬歷山陰縣志出越王崢上節橫錯相間

堯祖師遺跡也

人面竹 竹譜出剡山竹徑幾寸近本逮二尺節極促

四面參差竹皮如魚鱗面凸頗類人面

公孫竹 宏治紹興府志高不盈尺越人以為几案之

玩

沙筍竹 談薈越州產沙筍竹採筍者輕步從之聞聲

則縮入沙中



限餘人心中

必隨竹

蕭蒼賦惟盡必隨竹結後香漣迷翁之間蓮

冠

公冠竹

安帝錄與初志高不盈尺缺人以爲山案之

四面參差竹支吹魚鱗面凸融融人面

人面竹

竹韻出隱山竹器幾十設本數一尺許許

與脈通豈極也

琴以竹

萬烈山劍錄志出越王制土韻謝驗賦

對內蘭蘭中著三華竹即蘭殊如四正華竹限蘭如  
昔之吹豎五六日八根爛如前樂以竹韻亦豎正  
而色白如粉滑如  
嘉壽會韻志會韻字可煎鹽去以

鹽安帝錄與初志謂之祖重常以竹雜煮之好麻美

藥

鱉

安帝錄與初志主水華曰煎鱉今人用爲鱉

酢麥安帝錄與初志主水華曰煎鱉今人用爲鱉

蕭麵

安帝錄與初志蕭山錄金井爲命丹國邑人麵

以地

會韻志越酢竹夫不其品融麥而各酢各

越酢

會韻志越酢竹夫不其品融麥而各酢各

越酒 會稽縣志越酒行天下其品頗多而各老酒者

特行各豆酒者佳其法以綠豆為麴已壤多秫少稭  
以此

蕭釀 宏治紹興府志蕭山縣金井為徐氏園邑人釀

酒多汲取此水是以蕭釀與越酒並重

麴藥 宏治紹興府志蓼生水澤曰虞蓼今人用為麴

藥

鹽 宏治紹興府志郡之所產常以竹盤燒之故味美

而色白為他郡最

嘉泰會稽志會稽亭戶煎鹽法以海潮天沙暴日中將夕刮鹹聚而

苦之如是五六日乃淋鹹取滴灌以竹筒取石蓮五枚納滴筒中若三蓮浮則滴將成四五蓮浮則滴成

可用謂之頭滴編竹為槃槃中為百耳以篾懸之塗以石灰纔足受滴燃烈焰中滴不漏而槃不焦灼

玉芝 嘉靖浙江通志會稽玉芝出陶宴嶺一名九口

花色正紅生葉下其根一歲生一曰或云取其日以

木麴暴炊熟吞之日三枚可以辟穀

舊浙江通志一名山荷葉一名唐婆

鏡其花生葉下色正紅故又名羞天花

甘菊 羣芳譜菊山在蕭山縣西三里山多甘菊

海根 本草拾遺生會稽海畔山谷莖赤色葉似菝葜

而小蒸而用之味苦

薄荷 本草綱目吳越人多以代茶其性涼產剡山中

者味厚

細辛 宏治紹興府志諸暨縣隴山產細辛

蛇黃 圖經本草越州有之大如丸堅如石外黃內黑

蛇冬蟄時所含土到春吐之越人常以二月採

虎杖 圖經本草越州處處有之如竹筍狀上有赤斑

點爾雅云蔞虎杖郭璞注云似葒草可以染赤

羊著 爾雅翼麥門冬越名羊著

木鱉 本草釋名即木鱉子今杭越皆有之藤生葉有

五椹狀如山藥

烏藤菜 蜀本草今出越州蒿之類也即劉寄奴

馬兜零 本草注產越州七八月採

紫石英 元和郡縣志諸暨縣烏帶山出

中一頭微著石采取必於露未乾時

禹餘糧 新昌縣志水簾洞左右有圓石如拳碎之內

有屑如餛或類麻豆隨人所欲而應俗傳禹餘糧今

化爲石可作藥

蓼草 吳越春秋越念復吳怨臥則切之以蓼

薇草 剡錄五龍山重岡複嶺山坡產薇爲異草

蒲草 嘉泰會稽志宋縣尉楊襲璋留家於汝湖之東

植蒲數里遂名其地曰東蒲

莎草 宏治紹興府志藎也可織蓑諸暨泌湖多有之

藍草 宏治紹興府志可染青山陰人種之爲業

莞草 宏治紹興府志有二種一爲蓆草一爲燈心草

山陰威鳳鄉及戴旗山種之故有莞田

赤莖草 太平寰宇記越州古稱出鮮麗之物橫山產

草莖赤葉青死者覆之活

長生草 草木疏餘姚縣上林湖盤羅石上產長生草

三葉白草 嘉泰會稽志出鏡湖澤畔葉漸白農人候

之以蒔田葉白苗畢秀矣

一葉或二葉  
占之絕驗

鹿胎草 天中記嵊縣剡山一名鹿胎山昔有獵士射

鹿此山鹿孕而傷既產以舌舐子乾而母死後鹿死

處生草名曰鹿胎草

虎茨草 蕭山縣志細白花紅子而子性甚堅嚴冬雪

不能敗至百年止高二三尺

昌蒲 嘉泰會稽志今會稽有一種葉有脊如劍謂之

雁蕩昌蒲生石上節殊密當不止一寸九節今人多

以拳石或沙中種之爲几案之翫

鷺 會稽三賦注王羲之愛善鳴之鷺越產之多者

畫眉 蟲天志遺目鑄嶺稀見餘鳥惟聞畫眉而已此

鳥各占一山其侶過之必苦鬪無共棲者

竹雞 劉基活水源記靈峯之山其上曰金雞之峯鳥

多竹雞其狀如雞而小有文采善鳴

杉雞 臨海異物志越有杉雞常居杉樹下頭上有長

黃毛冠頰正青色如垂縷可食如竹雞

野鴨 嘉泰會稽志野鴨頭中有石云是石首魚所化

鷺 嘉泰會稽志山陰瀕水人家多畜鷺皆馴不去惟

白露一日必籠之不然飛去

雪姑 嘉泰會稽志會稽人呼鷺為雪姑其色蒼白似

雪鳴則天當大雪極驗

寒鴉 嘉泰會稽志有一種名寒鴉比常鴉頭小

自西北來其陣蔽天及春中乃去秦太虛樂府云寒

鴉萬點流水繞孤村不至越者殆不知也

靈鳥 會稽三賦注法華山有雙鳥雛長期送出之雛

此鳥在焉故稱靈鳥

吐綬鳥 嶺志太白山有鳥如雞文采五色能吐綬長

尺

野豬 宏治紹興府志越山中有野豬豬獾狗獾豪豬

四種

狸 宏治紹興府志越山中有玉面狸文狸柿狸鰍獾

狸四種

猿 會稽風俗賦 猴獾猿狽注 獾母猴狽黑猿山中多

有之 會稽縣志 猿好踐稼會稽山間陸種如豆麥之類多為踐毀天衣寺僧法聰令捕一老猿被裘

巾細縫使之不可脫縱之去老猿跳趨其羣遠望而畏之皆捨去老猿趨愈急相逐日行數十百里其害

稍息

石首魚 宏治紹興府志 生東海中春水既至則羣至

海濱淺處散子求魚者聞水底鳴如鴨乃下網其魚

夜視有光鮮食甚佳暴乾成齋葢海味之珍

嘉魚 方輿勝覽 蕭山縣城山上有泉多嘉魚

追紅魚 宏治紹興府志 白魚生嵒縣嶧浦祠下大者

二三尺頭昂者上品尾頰者名追紅

春魚 天業拾遺記 似石首而小歲以仲春至鹽滷而

乾之名曰含肚

鯽魚 嘉泰會稽志 蕭山湘湖之鯽珍美為越中之冠

小鱖魚 劉基活水源記 中有小鱖魚色黑居石穴中

水鼠常來食之

鱖魚 宏治紹興府志 越中間有惟浦陽江為多

銀魚 張先入越詩 春後銀魚霜下鱸 遠人曾到合思

吳

半面魚 嘉泰會稽志 越王食魚未盡以半棄之水中

化為魚遂無一面名半面魚 能改齋漫錄 越王句踐之保會稽方斫魚為鱸

聞吳兵至棄其魚於江中化而為魚猶作鱸形也故名鱸殘魚亦曰王餘魚吳都賦曰半則王餘王逸注曰王餘魚其身半也

狹獠魚 宏治紹興府志狹獠湖去山陰縣西北越人

呼黃色無鱗有刺之魚曰狹獠此湖至今多出此魚

故名非獸也

三色鯉 餘姚縣志白黃山港至汪姥橋曰姚江其鯉

口尾青自橋而西至西石廟曰舜江其鯉口尾赤自

廟而西曰蕙江其鯉口尾白而微黃共在一水分界

不亂皇市汭游越溪詩三江橫貫兩城中同是滄鱗色不同更道芳洲多蕙草幾叢花發倚春風

鯉花 嘉泰會稽志越人謂鯉之小者為鯉花鱸之小

者為鱸輟鯉之小者為鯉核鱧之小者為鱧膠鮓之

小者為鮓鮓皆莫詳其義

小麥魚 餘姚縣志其大如筋小麥熟時生產積慶寺

前溪舊志作鮓魚者非

烘魚 餘姚縣志橫扁無鱗黃色濱海人烘乾食之

風鰻 宏治紹興府志越人每於秋中風潮起時取之

謂之風鰻

靈鰻 墨客揮犀越州應天寺鰻井世傳靈鰻時出游

人取之置懷袖間了無驚猜有鱗兩耳尾有刃迹寓簡

沈存中嘗游會稽登天寧寺觀鰻井水之盈虧與湖相應中有靈鰻狀若殿柱人罕得見

鰻線

萬歷山陰縣志鰻之初生者數寸瑩白如線產

三江惟清明後十日有之味鮮美

雞冠蛇

談薈會稽山有雞冠蛇頭如雄雞冠長尺餘

圍可數寸

鼃

嵎縣志嵎浦潭有大鼃方丈許者時出曝沙間

蟹

萬歷山陰縣志紫蟹產上河其味尤冠絕蟹錄螃蟹禮疏作旁取其橫行今字益重乃是俗加旁蟹之呼名古矣越人云和鹽泥養之可踰月

石蟹

劉基活水源記活水源東注若耶之溪其中有

石蟹大如錢

蛤

會稽三賦注蛤有文故謂之文蛤元微之詩鄉味

尤稱蛤

蛭

宏治紹興府志會稽蛭浦產者佳甲蟲之珍味

蝦

剡錄越人謂杜鵑曰社豹社豹啼時漁人獲小鰕

名社豹蝦

吐鐵

餘姚縣志狀類蝸而殼薄吐舌銜沙沙黑如鐵

至桃花時鐵始盡吐乃佳

綾

會稽三賦注越貢白編綾交梭綾十樣綾大花綾

暉侍類偶賜司花女袁寶兒及絳真他如莫得

羅

宏治紹興府志越之舊產故稱越羅唐時擅名天

下今織染局雖造白生羅而民間所織絕無佳者學



庵筆記遂寧出羅謂  
越羅似會稽尼羅

花羅 會稽三賦注越貢花羅

紗 太平寰宇記越州產緋紗交梭白紗

輕容紗 宏治紹興府志舊產蕭山夏織為上秋織次  
之冬織最下蓋絲遇寒即脆而帛地不堅故也

縐紗 剡錄剡中產縐紗極精好服之如挂冰雪今不  
復造

絹綉 宏治紹興府志諸暨所產絹有花山桐山板橋  
之名綉有絲綉絲綉二種

蕭絹 嘉靖浙江通志紹興蕭絹初郡人蕭姓者製因

名

葛布 越絕書葛山者句踐罷吳種葛使越女織治葛

布獻於吳王 采葛賦葛不連莖莖台台我君心苦命

更之書不苦甘如飴令我採葛以作  
絲女工織兮不取遺於羅兮輕罪罪號稀素兮將  
獻之越王悅兮忘罪除吳王懼兮飛尺書增封益地  
賜羽奇几杖茵褥諸侯儀羣臣  
拜舞天顏舒我王何憂能不移

苧布 宏治紹興府志唯諸暨最精相傳以為西子遺  
習其種有腰機兼絲西洋生苧熟苧之別

縐布 宏治紹興府志以麻為之諸暨靈泉鄉產者精  
好織密如羅漉之以水輒成縐紋名山後布嵎縣產  
者粗名強布

剡牋

陳志剡藤紙名擅天下式凡五藤用木椎椎治

堅滑光白者曰硃牋瑩潤如玉者曰玉版牋用南唐

澄心紙樣者曰澄心堂牋用蜀人魚子牋法者曰粉

雲羅牋造用冬水佳敲冰為之曰敲冰紙今莫有傳

其術者

陳端刻牋詩雲母光籠玉楮溫得來元是剡溪漬清涵天姥峯頭雪潤帶金庭谷口雲九

萬未充王丙史百香聊贈杜參軍從知碎裏縱橫墨不到羊欣白練裙

竹紙

紙箋譜越中竹紙嘉泰會稽志刻之藤紙得名

天下遂掩藤紙竹紙上品有三曰姚黃口學士曰邵

公工書者喜之滑一也發墨色二也宜筆鋒三也卷

舒雖久墨終不渝四也性不蠹五也米元章書史云

子嘗種越州竹光透如金散在油傘上前輩貴會指

竹紙於此可見采芾種越竹學書詩越鈞萬杵如金

版安用杭油與池蘭高壓巴郡烏絲關平欺澤國清

華練老無長物適心日天使殘年司筆何圖翰墨香劉薛何時眼中見薛道祖和米芾越州竹紙詩書便瑩滑如碑版古來精紙難闕蘭檣成刻竹光零亂何用區區書永練細分濃淡可評墨副以溪巖難之視世間此理誰復知千里同風未相見

雁頭箋

談薈羅隱以越中雁頭牋贈裴鳳鳴

冰紙

草木疏江南以楮搗紙剡溪作冰紙亦取此

蠶繭紙

書史會要王逸少以蠶繭紙書蘭亭序

寫錢紙

宏治紹興府志山陰夏履埠出

麥麩紙

晉浙東有麥麩稻桿紙

大牋紙

格古要論上虞縣有大牋紙一種至厚一種

稍薄

月面松紋紙

談薈白樂天墨蹟有印文曰剡溪月面

松紋紙

草紙 山陰縣志出南池以草爲之

狸毛筆 正統上虞縣志香狸之毛可爲筆

鼠鬚筆 書史會要右軍書蘭亭序時用鼠鬚筆

筆管 四明圖經越出筆管

六角扇 卑雅王羲之在戴山有老嫗持六角竹扇賣

因書扇各五字

蒲扇 宏治紹興府志蒲水草可作扇蕭山鳳儀鄉民

以之爲業

詳按會稽陶堰出紙扇甚潔緻以密節細竹爲柄以白紙堪作書畫陸游詩云團扇家家畫放翁謂此

苧席 輿地志苧草出上虞夏蓋山地人織以爲席

志苧草席蕭山縣出

竹簞 西京雜記會稽貢竹簞號流黃簞

麻弦 越絕書麻林山句踐欲伐吳種麻以爲弓弦

相油 宏治紹興府志烏相之實可作油今嵯縣新昌

山中人家植之爲業

水銀 宏治紹興府志餘姚縣龍泉山產

銀沙 會稽縣志銀山無草木產銀沙舊有禁恐礦氣

攻田禾也

銅錫 越絕書赤堇之山破而出錫若耶之溪涸而出

劉基出越城至平水記赤堇之山其東山曰日鑄有鉛錫

鏡鈸 百寶總珍集僧家市語呼滑仗越州多有鑄者

越窰 負暄雜錄秘色窰器世言錢氏有國日越州燒

進民間不得用故云祕陸龜蒙詩九秋風露越窰開

奪得千峯翠色來好向中宵盛沆瀣共稽中散鬪遺

杯乃知唐世已有非始於錢氏

老學庵筆記耀州出青瓷謂之越器似以

其類餘姚秘色也然粗樸不佳六研齋筆記南宋時

餘姚有秘色磁粗樸而耐久今人率以官窰日之談

浮石 諸暨縣續志城東聖姑殿前流泉清溜能結浮

石

碧石 宏治紹興府志山陰縣碧山產碧石

寶珠石 正德諸暨縣志寶珠山有細石其圓如珠故

名

彈丸石 剡錄謝巖山晉謝靈運游此四顧放彈今有

彈丸石

茶上石 諸暨縣續志雞冠山產奇石名茶上

文石碑石 宏治紹興府志諸暨出文石有花紋與鬱

林同出碑石甚細可作碑不下湖州

柘器 寶慶會稽續志柘越中多有之非但葉可供蠶事其木文理縝密而黃色可愛堪為器具

斑竹器 述異記越中有顧家斑竹用以作牀椅及他器具甚清雅

竹火籠 萬歷會稽縣志竹火籠陶堰製者甚佳

炭 越絕書練塘者句踐時采錫山為炭稱炭聚載從

炭瀆至練塘各因事名之 紹興府志會稽山出

勅修浙江通志卷一百四

勅修浙江通志卷一百五

物產 五

台州府

穀 赤城志丹邱穀夏冬再熟言其土所宜也夏熟者

曰早禾冬熟者曰晚禾其最早者曰六十日曰隨犁

歸曰梅裏白曰便糧其次早者曰白婢暴曰紅婢暴

八月白晚者曰白香曰白董曰大禮細禮是數者名

最著土人通藝焉又以色言之則大青矮青光頭青

黃散袖馬背紅金珠之類是也而馬背紅尤香而甘

以次言之則獻臺相連寄生第二遍之類是也而獻

臺最貴至於旱稜宜旱倒水賴宜水是又其性之相反者也糯之種相傳有數十而可記者有流水糯白糯黃糯麻糯荔枝糯烏鹽糯皆以其色近似至葉婆糯郎君糯則因其人得名而矮子糯則以其穗短而稱焉占城自占城國至剡剡自剡至大中祥符中遣使於福建取種分給種之今土俗謂之百日黃是又得之閩中也名雖多總其目曰秔曰糯爾雅所謂黏與不黏者是其別與

豆 赤城志豆有五色又有形如虎爪羊角刀鞘者又一種白扁豆生籬落間可藥可食

芥菜

赤城志

一名水蘇有紫芥黃芥青芥油芥數種

出石罅者曰山芥味極辛出黃巖仙居

瓜

赤城志有金瓜銀瓜等種又有名八稜約青算箭

者

蘿蔔

黃巖縣志萊菔俗名蘿蔔宜於沙地出黃巖潮

際者尤大

韭

天台山記赤城山有洗腸井昔曇猷禮石橋應真

怪其腹中有韭氣猷出腸洗之至今韭尚叢生焉天台

勝蹟錄今井邊生韭青而香

薑

本草綱目出臨海章安者佳枝甚長

玉環志猴薑一名毛薑可

藥八

蒜 崇禎寧海縣志有蓮花蒜又一種名八簡

沙蒜 黃巖縣志沙蒜另有一種曰塗笋

筍竹笋 笋譜天台圖經云五縣皆有言其竹韌也

狗竹笋 笋譜寧海以來多有三寸圍節間有毛筍三

月生可食

合蕈 菌譜邑西韋羌山高迥秀異寒極雪收林木堅

瘦春氣微欲動土鬆芽活此菌候也菌質外褐色肥

理玉潔芳薌韻味發釜鬲聞百步外蓋菌多種自柔

美皆無香獨合蕈香與味稱雖靈芝天花無是也宜

特尊之以冠諸菌其始名合蕈舊傳昔嘗上進標以

台蕈上遙見誤讀因承誤云數十年來既充包貢山

獠得善賈率曝乾以售罕獲生致邑孟溪山中亦同

時產惟蕈柄高無香氣土人以是別於韋羌焉

稠膏蕈 菌譜邑西北孟谿山窈窕邃深莫測秋中山

氣重霏雨零露浸釀山膏木腴蓓為菌花戢戢多生

山絕頂高樹杪初如藥珠園瑩類輕酥滴乳淺黃白

色味尤甘勝已乃傘張大幾掌味頓渝矣春時亦間

生不能多稠膏得名土人謂稠木膏液所生耳合蕈

他邦猶或有之此菌獨此邑此山所產故尤可貴齋

法當徐下鼎瀋伺涪沸瀉起謹勿七撓撓則涎腥不可食性參和眾味而特全於酒烹齊既調溫厚滑甘

雖尾萼不足道也或欲致遠則復湯蒸熟貯之瓶罌

然其味去出山遠矣萬歷仙居縣志又名香榧韋羌大陳坑諸山皆有用桐樹標樹

先一年砍伐以斧遍擊之次年雷動即生

栗殼薑 菌譜寒氣至稠膏將盡栗殼者則其續也

桐蕈 癸辛雜識天台所出桐蕈味極珍然致遠必漬

之以麻油色味未免頓減諸謝皆台人尤嗜此品乃併搦桐木以致之旋摘以供饌甚鮮美

天花蕈 赤城志生木上者曰木耳生木上而細者曰

天花蕈

石耳 日用本草石耳生天台石崖上遠望如烟

巖衣 臨海縣志生巖石上甚美

椒 始豐類藁蜀多美椒天台賈漢州鮮官歸時攜其

種蒔之其味辛烈不減蜀產至今人稱漢州椒天台縣志

紅椒色香勝於蜀產以赤山產者為勝赤城志其椒紅色天台獨盛

胡麻飯 埤雅天台有胡麻飯

仙米 台州府志太平縣天馬山龍湫下出石米通明

如雪俗稱仙米

山桑 崇禎寧海縣志可為弓



松 王羲之游西郡記永寧縣界海中有松門島嶼上

皆生松

金松 平泉草木記木之奇者有天台之金松西陽雜俎

麥門冬葉中一縷如金經出浙東台州尤多李德裕金松賦并序廣陵東南有額大師猶子舊宅即孔北海故臺余因游眺忽覩奇木枝似檉松葉如瞿麥翠葉金貫粲然有光訪其名曰金松訊所自來得於台嶺乃就主人求得一本列於平泉叙其所自作此賦青春已暮白日將夕經顏子之故巷訪孔公之舊宅美珍木之在庭得嘉名於樵客曩擢本於台嶺近徙根於簷隙其柯肅肅可比於真松其葉纖纖實侔於瞿麥風入葉而成韻露垂柯而流液不受命於嚴霜諒同心於寒柏含春靄而葱蒨映夕陽而的皪疑翠尾之羣翔若金潭之旁射雜爽籟於簧竹混晶光於瑤碧奇樹以垂珠而擅名金松以潛穎而莫覩亦猶處子在於隱淪奇木遺於草澤我有衡宇依山岑寂類仲長之清曠如蕭宰之窮僻託根此地似在崖壁

殊喬柚之不偃同甘棠之可惜  
烹封植於園林永愛玩而無斃

琪樹 赤城志按孫綽賦云琪樹璀璨而垂珠李善注

云仙都所產未言其狀也至唐人詩詠始盛李紳詩

注云垂條如弱柳結子如碧珠三年子可一熟每歲

生者相續一年綠二年碧三年者紅綴於條上璀璨

相間此言其狀也李紳琪樹詩石橋峯上樓元鶴碧

玉珠千日保青春月中滴露應同浥澗底侵雲  
尚有塵徒使茯苓成琥珀不為松老化龍鱗

偃松 赤城志土產最盛天台有怪松大數圍高不四

五尺陸龜蒙嘗讚之寧海梁王寺亦有偃松極古怪

香柏 赤城志天台柏香峯以多柏木故名

海石楠 平泉草木記天台之海石楠

金荆 天台縣志木有文可為牀

支 赤城志謝靈運名山記云樓石山多有之

枕 赤城志出樓石山

棕櫚 崇禎寧海縣志棕櫚極多其皮可蔽雨索縑

錦漆 玉環志不凋多節又一種多刺者名棟漆可燒

作炭

山桃 玉環志葉長有毛花如桃紫色不實

花蕭 玉環志花粉紅結黑子可染網網入鹹水不腐

墨危 玉環志花如茶花葉如冬青皮似杉紅心其皮

可毒魚出小陳輿

山椒 玉環志大合抱高不過六七尺不花而實如山

查不可食

土漆 玉環志其皮粘着人手即發腫若刀瘡見血搗

此敷之即止

釣樟 玉環志與樟二木也其葉搗汁用熱水沖對膠

粘和灰合磚牢不可破

羅漢樹 林憲題台州郡圃羅漢樹詩序其樹葉如楊

梅經冬不凋生子若羅漢然奇特古怪前所未見也

郡人相傳樹有白猿出於月明之時慶歷中有禽若

鸞凰而紫色棲於曉烟中

天台勝蹟錄菩提樹不花而實狀如羅漢至秋方收

子名菩提珠天台山志山有菩提樹相傳西天梵僧游化遺此種樹如柿花亦同未結藥先乃別抽一葉長指半許濶兩指色白而光潤乃結藥於葉下晝則覆子以蔽日夜則捧子以承露秋社後取子為珠十百中必有一二如羅漢者謂之佛頭他處所生則無之

鴛鴦木

赤城志通判廳後有連理樹號曰鴛鴦木寧

海溪南櫟木亦然

烏江栗

玉環志不馮亦生栗房而無實又有青栗白

栗紅栗青栗心帶青色為材最良

山機烏

玉環志又名林子結黑子如蠶豆有核可食

烏那飯

玉環志可燒白炭銀匠必用之子如椒黑色

亦可食

生櫛杠

玉環志可作櫛

桃

鄭至道劉阮洞記鳴玉澗有塢植桃數畦落英續

紛點綴芳草流紅縹緲隨水而下此昔人食桃輕舉

之地也

赤城志桃多種以天台水南為勝皆夏熟惟紫桃一名崑崙桃以秋熟更有名寒桃以十月熟又有實心如梅者曰御愛桃又有水蜜桃綿桃餅子桃其無實者為碧桃緋桃

李

葛邏祿廼賢赤城詩注金閤山在赤城西郊山中

盛產青李來禽諸果

水晶李

花史出天台閑閑真人曾致元帝

杏

述異記天台山有杏花六出而五色號仙人杏

林檎 赤城志本名來禽出天台者佳

楊梅 赤城志子如彈丸赤色五月中熟近歲土人所

植多大而甘

鶴珠棗 羣芳譜出天台閑閑真人以致元帝

山棗 天台縣志色青黃其核似棗蓋今山棗一名楊

桃本草名藤梨或名獼猴桃

栗 本草綱目剡及始豐皮薄而甜相傳有人病足往

其下食數升即能起行始豐今天台也小者號芋栗

榲 赤城志花實相續而生天台仙居有之

蒲萄 赤城志有二種紫者微酸青綠者甘甘者名水

晶味尤勝出仙居

朱欒 赤城志朱欒實大如甌理粗而皮厚其瓣

不可食俗呼沙柑又有香欒蜜罩二種

瓜 方輿勝覽天台山石橋梁峭危石罅有木瓜華時

有蛇盤糾至寶落供大士乃去號為護聖瓜

柑 陳景沂橘錄跋韓彥直之著錄也但知乳柑出於

溫之泥山獨不知出於天台之黃巖也出於泥山者

固奇出於黃巖者尤天下之奇也

薰橘 嘉靖浙江通志台州出

落花生 萬歷仙居縣志原出福建近得其種植之

金豆 天台縣志果之屬有金豆味香可為蜜煎

異果 臨海異物志候闕子如指頭大味苦可食土翁

子如漆子大熟時甜酸色清黑猴總子如指大與柿

相似其味不減於柿多南子如指大紫色味甘與梅

子相似皆異果他處所無

藕 赤城志出臨海蔡嶺者佳

甘蔗 赤城志有竹荻二種出黃巖亢山等處 台州府志近世

閩人教以栽蔗秋熟壓其漿煎之惟不能取霜故其利薄

茨菰 羣芳譜即鳧茨漢書作鳧苳葉有極如燕尾生

水田中今蔡嶺為多

牡丹 赤城志寧海縣柯仙山其地產牡丹特盛

玉蘭 天台山方外志台山處處有之其樹有合抱者

十人謂之望春花

山海棠 天台山方外志土人謂之紅棠梨葉如梨樹

花如紅梅

紫荊 天台山記寒巖下有通海池植鐵色紫荊樹

玫瑰 巖栖幽事天台有白玫瑰

桂 名勝志郡署有月桂齊唐時月中桂子降芳香味

甘食之和暢 本草綱目即今浙中山桂也台州天竺

人稱為月桂是矣

西湖棘 黃巖縣志花屬中天棘有一種葉綠花紅名

西湖棘

鶴翎花 天台勝紀花有鶴翎在石橋東五月開花非

常奇異移植之不活

名山記天台山有婆羅樹花一名鶴翎出華頂峯以多經風霜

樹不高大樹數百枝枝十餘頭頭六七葉經冬不凋花如芍藥香如茉莉徐大受鶴翎花詩九節一萼鶴翎紅開後梅黃細雨中千葉青蓮無路到不知春在石橋東

仙人掌 天台山方外志生石壁上如人掌

冬花 赤城志寧海鹿頭峯林壑中冬有花如桃李

九頭蘭 萬歷仙居縣志蘭有春夏秋冬四種又一種

名九頭蘭暮春盛開

挂蘭 天台縣志生巖谷中

水仙 玉環志遍巖叢生清芬襲人

鐵線菊 台州府志莖似藤而不曲附挺然直上惟以

梢抱物若繫結然故名鐵索花以四月十月兩開一

節二藥色近綠豆外五大瓣先放如盤內則千片日

放一層開最久然不易植

蒲葵竹 台州府志節相去逾尺可為笈筥不假丹漆

佛面竹 天台縣志節短而方色青黑根如人面

苦竹 赤城志仙居縣西苦竹橋其地多植苦竹

甘竹實 天台山志出天台山閑閑真人以致元帝

竹瀝 江鄰幾雜志蘇才翁嘗與蔡君謨鬪茶蔡茶水用惠山泉蘇茶小劣改用竹瀝水煎遂能取勝天台竹瀝水彼人砍竹稍屈而取之盈甕若以他水雜之則亟敗

茶 赤城志按陸羽茶經台越下注云生赤城山者與歙同桑莊茹芝續譜云天台茶有三品紫凝為上魏嶺次之小溪又次之紫凝今普門也魏嶺天封也小溪國清也而宋祁答如吉茶詩有佛天雨露帝苑仙漿之語蓋盛稱茶美而不言其所出之處今紫凝之外臨海言延峯山仙居言白馬山黃巖言紫高山寧

海言茶山皆號最珍而紫高茶山昔以為在日鑄之

上者也赤城續志黃巖紫高山土膏泉冽中產茶甚奇又寧海蓋蒼山一名茶山瀨大海絕頂其

地產茶

茶  
此  
土香也  
音又寧新蓋茶山一各茶山屬大嶺嶺其  
表地嶺志黃嶽崇高山土管果國中嶺茶其  
前言茶山昔熱景冬而崇高茶山昔以為并日

白芷  
表地志  
表地又天台山岳多磨之

龍法  
山昔育之  
高十二只山人如地蓋凡

玉餅  
本草能散坐天台山岳外此唱正餘之

吸風香歸  
黃蘇也

高朴  
青黑藥坐  
珠木甜天台山岳林表致穿地歸高坐木

孫木  
表地志  
白香菊大百手甘而少香氣香又具其

虎婦  
卦半戒香日人黃突之  
香香日天黃魚干

三黃  
黃嶽標志  
賦黃香三味以本精宏潤香厚賦黃

昔因  
賦而香也  
金大肥疎醫之開莫吸

台草  
本草  
味甘由過中香歸之根草由天台各處台



台芎 本草綱目出蜀中者謂之川芎出天台者為台

芎因地而名也金光明經謂之闍莫迦

三黃 黃巖縣志地黃有三種以水試之沉者曰地黃

最佳半沉者曰人黃次之浮者曰天黃為下

紅朮 赤城志白者葉大有毛甘而少膏赤者反是貫

休詩黑壤生紅朮指天台也杜光庭空明洞詩芝朮

迎風香馥馥指黃巖也

玉柏 本草拾遺生大台山石上似松此即玉柏之長

者名山皆有之高一二尺山人取根莖用

白芷 赤城志近城及天台仙居多種之

附子 赤城志出仙居黃皮山此蜀產為下

菝葜 名醫別錄出臨海章安數村作之

香茅 天台山志玉霄峯重崖疊嶂上產

大台勝紀離  
洞天宮後者  
在地不踰丈道  
土多祕借之

商陸 黃巖縣志有如人形者有神俗呼章柳

草烏 赤城志出蒼山

虎豆 玉環志葉如豆莢內有小豆入藥

水梔 赤城志寧海東郭巖秀石峯嶺石罅生水梔卷

柏菖蒲東西瀕海多薑朮

香艾 天台縣志鳳林崖上所產艾甚香入藥最佳

紫葛 嘉靖浙江通志天台紫葛形類芍藥根苗似葡

菊長丈許

根子 天台山志石梁北出向東者佳

南燭 天台山方外志太極真人青精乾石飢飯以山

中南燭煮汁漬米為之

烏藥 本草別說世稱天台者為勝肉色頗赤差細小

耳

昆布 赤城志東鎮山生

山查 玉環志紅子可食子與根皆入藥

山黃荊 玉環志子如胡椒可屑粉亦入藥能消食

虎掌藟 赤城志藟藥一名玉延一種出臨海寧海山

中根圓而長名山藥其下品曰水藟藥又一種紫黃

色曰虎掌藟以形似故名入藥最良出黃巖

天壽根 圖經本草出台州其性涼治胸臆煩熱

仙人飯 黃巖縣志縣有仙人飯俗呼山阿娘

黃寮郎 圖經本草生天台山冬夏常青治風

天仙藤 天台山志生山巖上春生苗抽蔓作藤葉似

葛葉圓而小四時不凋根有鬚夏月采

石南藤 天台山志天台石南藤四時不凋

清風藤 圖經本草生台州天台中其苗蔓延木上

四時常青又名青藤

百稜藤 圖經本草一名百靈藤生台州山中春生苗

蔓延木上無花葉冬采皮入藥 天台縣志藤十二品皆出天台先是內廷

常取清風藤無有識者後於臨海山中得之蓋天台六邑之總稱也

含春藤 圖經本草生台州其苗延木冬夏常青

千里及藤 圖經本草一曰千里急生天台山中春生

苗秋有花花葉皆可入藥

祁婆藤 圖經本草生天台山中蔓延木上四時有葉

無花

百葉祖 圖經本草生天台山中冬夏常青土人採葉

治風

催風使 圖經本草生天台山中冬夏常青土人採葉

治風

伏翼 太平寰宇記玉峴山鍾乳穴有伏翼大如鴉

山方外志仙鼠即伏翼在山孔中食乳石其大如鳩鵲者仙經所謂肉芝是也

石髓石脂 臨海記天台縣寒石山產

青芝 耳日記赤城山頂有青芝二根天台賦五芝合

秀而晨敷謂赤芝黃芝白芝黑芝紫芝也

茅 玉環志土人用以織壁堅硬勝竹

綠苔 崇禎寧海縣志苔如髮而綠生海崖

赤城志生海水中出

寧海古洞者佳

紫草 赤城志 仙居縣清風鄉紫巖山石上產

長生草 天台縣志 生古樹中取而空懸之曝以日經

年不槁

觀音草 天台勝蹟錄 生山谷中人以盆盛清水沙石

植之則青着泥則萎

候潮草 太平縣志 葉間有夾如榆潮至則開退則合

鳳尾龍鬚 萬歷仙居縣志 草屬

菖蒲 天台山方外志 幽溪菖蒲一寸九節十二節者

最多其他溪谷皆有之

潮雞 赤城志 雞有黃白鳥花色大者喜鬪又有潮雞

遇潮長則鳴孟浩然天台詩所謂鳴雞信早潮是也

玉志 湖頭雞隨潮食魚白色似雞而扁嘴

天雞 天台山方外志 產桃都李白詩空中聞天雞是

也

竹雞 赤城志 俗傳白蟻聞之即化為水山中最多

黃雀 赤城志 斑褐色又有黃色者八九月羣飛稻田

間人取為披綿鮮或云海魚所化八月為雀十月復

入海為魚

鷓鴣 天台要覽 天台縣西北有龍湫其山常有鷓鴣

鳴因名鷓鴣山

金雀 天台山方外志石梁方廣梵唄方作先有金色

雀飛翔林石

翠碧 赤城志毛可為飾土人呼為紅翠

陽遂 臨海異物志背青黑腹下黃白五足長短相等

不知頭尾所在生時體軟死即乾脆

郭公 崇禎寧海縣志此鳥鳴自呼又有婆餅焦王公

斷磨皆自呼其名

鷓鴣 臨海異物志水鳥有五色食短菰說文作鷓鴣

搗藥禽 赤城志其聲丁當似之

泥滑滑 黃巖縣志尾長色白者為雄尾短色赤者為

雌春末自呼其名郡志作竹雞者誤也

獨足鳥 臨海異物志東陲有鳥文身赤口而一足惟

食蟲豸不害稻梁其鳴如嘯聲俗名獨足

相思鳥 天台勝紀似雀而長綠背黃胸翼五色背距

皆朱秦之者籠一放一雖遠必歸此羽族中匹配之

最摯者一名雙雙黃巖最多

桐花鳳 萬歷仙居縣志陽溪桐林諸山中有之 此即

十二紅 赤城志羽毛紅褐碧綠相間

山馬 萬歷仙居縣志蒼山常有之

竹鬮 黃巖縣志患竹刺入肉者啗之良愈

金絲猿 天台山游考台山有猿而無猴嘗有金絲猿隱

於石梁間

栗鼠 天台山方外志松鼠尾小栗鼠尾大

黃鼠 玉環志毛可作筆皮可為帽

香魚 黃巖縣志香而無腥色青一名細鱗每月長一

寸至十月而止

短魚 赤城志項縮而短又有一種名曰鸚哥魚

燭魚 談薈鰕魚如指長七八寸但有脊骨曝為燭極

有光明

火魚 嘉靖浙江通志台州火魚形赤類火

鹿魚 臨海異物志頭上有兩鹿角

鮫魚 臨海異物志腹背有刺如三角菱

子魚 黃巖縣志味美不減通應所產但不常有

燕魚 臨海異物志長五寸陰雨則飛或即海燕

石首魚 玉環志此魚冬月名報春二月名鰕八月名

桂花石首四五月名黃魚出北洋烏洋漁市凡三汛

楓葉魚 赤城志形小味極珍土人重之 海物異名記此魚楓葉入

水之所化也

箬葉魚 臨海異物志比目魚南越謂之板魚今浙人

謂之鞋底魚亦謂之箬葉魚

臨海縣志魚各一目相並而行爾雅所謂東方

有此目魚不此不行其名曰鰈是也段氏比戶錄謂之鰈吳都賦謂之鮓上林賦謂之鮓鰈猶鰈也俗名鞋底魚又名婢篋魚臨海風土記名奴屬魚南越志名版魚南方異物志名箬葉魚皆因形也

石斑魚

本草綱目長者尺餘斑如虎文有毒南方異

物志云高魚似鱧有雌無雄二三月與蜥蜴合於水

上其胎毒人西陽雜俎云石斑與蛇交南方有土蜂

土人殺此魚標樹上引鳥食之蜂窠皆盡

石帆魚

海物異名記生海中石穴

望潮魚

述異記出台州臨海縣

龍頭魚

黃巖縣志一名鱗骨柔無鱗身如膏髓

銅吮魚

臨海縣志鱗魚一名銅吮魚喙有一針

地青魚

臨海異物志尾有刺甚長逢物則撥之色白

者曰地白又名邵陽魚

撮千魚

嘉靖浙江通志生溪澗中其小如針撮之可

得千焉故名

梅童魚

黃巖縣志類石首魚而小

謝豹魚

赤城志杜宇鳴時有之

秀才魚

赤城志柿核一名秀才魚

金銀鯽

赤城志九頃塘有金銀鯽魚味絕美然有魚

艇則覆焉

飛魚 臨海記越王望海館下有湖多金鵝飛魚

金鰻 崇禎寧海縣志青雷潭中乞雨者每得金鰻於

此

獺鰻 崇禎寧海縣志鰻有一種形似鵞曰獺鰻

魚鱧 崇禎寧海縣志元時邑貢魚鱧巨魚腹中取之

松門鮫 嘉靖浙江通志躡跳所在海中其鮫特鮮美

台州府志太平有松門島在海中嶼上生松通小洋產魚曝之為鮫極為佳品玉環志此名黃花魚一名春來亦名鮫魚又名金鱗春月生子蟹如羣蛙漁人聽聲收網聽法以竹筒測之知其頭向上即用網如疋布兩頭收合無不就擒若頭向下即皆從水底逸去四時皆有春夏用網秋冬用釣以松門伏鮫為佳驗鮫之法伏鮫兩翅相交過頭出伏則不過頭至秋冬則散開而不相交矣

蟹 巨亢臨海蟹圖蟹凡十二種一曰蟪蟀兩螯大而

有細毛如苔八足亦有微毛二曰撥棹子狀如蟪蟀

螯足無毛後兩小足薄而微潤三曰擁劍色黃其一

螯偏長有光四曰彭蠡爾雅注小蟹也吳人呼為彭

越五曰竭樸大於彭蠡殼黑斑有文章螯正赤常以

大螯障目小螯取食六曰沙狗壤沙為穴見人則走

七日望潮殼白居則背坎外向潮來舉螯如望不失

常期八曰倚望東西顧睨行不四五又望入穴乃止

九曰石碯大於常蟹通赤狀若鵝卵十曰鱗江足極

小堅如石不可食十一曰蘆虎正赤不可食十二曰



彭蜞大於彭蠡小於常蟹

車螯本草綱目殼色紫璀璨如玉斑點如花海人以

火炙之則殼開取肉食之殼可飾器物灰可闔塞墻

壁又可為粉飾面俗呼蛤粉亦或生珠其為用多矣

其似車螯而角不正者曰移角似車螯而殼薄者曰

姑勞似車螯而小者曰羊蹄

螺張存游國清寺記天台之勝其雙澗名螺溪有水

一泓極深即智者大師放螺處今約有巨礪大或時

出石上作吼聲則風雨輒作

對蝦崇禎寧海縣志蝦種大者曰對蝦味至美

海蛤赤城志每一潮生一暈姚寬夫天台詩春潮生

蛤暈是也

石蚶玉環志形如龜脚土人直以龜脚呼之海中

巖上附石攢生如花叢半截帶殼微青肉紅色軟毛

南越志云得春雨則生花

滾塘玉環志身圓有齒好入蝻蟬穴中俟其退殼而

食之故又名蝻蟬虎

海馬玉環志形如馬出水即死從小蝦中揀出之可

入藥

人鬼眼玉環志殼硬如鐵綠色肉如蛤蜊

千人掌 海物異名記聚刺獷殼擘之不能入

穿山甲 黃巖縣志一名鮫鯉似鯉而四足能陸能水

蜂 赤城志州有蜜巖多蜂  
名醫別錄石蜜即崖蜜也  
在高山巖石間作之其蜂

黑色似蜜其木蜜懸樹枝作之色青白在人家及樹  
空作者亦白而濃厚味美今出東陽臨海諸處者多  
木蜜出於潛懷安諸縣者多崖蜜亦有樹木及人家  
養者諸蜜例多添雜及煎煮不可入藥必須親自看  
取方無雜耳凡蜂作蜜皆須人小使以  
釀諸花乃得和熟狀似作餈須藥也

絹 赤城志出仙居黃巖者佳

葛 嘉靖浙江通志台州兼絲葛以葛雜絲而織之有

黃白二色

玉版紙 赤城志蘇文忠雜志云呂獻可遺余天台玉

版過於澄心堂又米元章用黃巖藤紙舂熟搗其半  
用之有滑淨軟熟之稱今出臨海者曰黃檀曰東陳  
出天台者曰大淡出寧海者曰黃公而出黃巖者以

竹穰為之即所謂玉版也

呈文紙 萬歷仙居縣志出朱溪

甲香 太平寰宇記台州產

楓脂 赤城志可為香名山記云天姥山有長楓十餘

丈今無之

草席 太平縣志出滑川堯田

鐵廂席 萬歷仙居縣志仙居之貨有鐵箱席

朱砂台州府志樓旗山惠衆寺西砂狀如鐵研之可

為砂太平縣志山產柘取其絲作琴絃清亮勝桑蠶

柘絲太平縣志山產柘取其絲作琴絃清亮勝桑蠶

棉花太平縣志山田多產色白者上淡黃者下

鴉椀黃巖縣志以螺殼為酒盞俗呼鴉椀

金漆臨海記東鎮山有金漆木用塗器物與黃金不

殊赤城志其木似檇成林收漆時截竹管銳其首以刃研木寸餘入管取之

一藤杖避暑錄話晁任道自天台來以石橋藤杖為贈

自言親取於懸崖間柔韌而輕堅如東筋余自許昌

歸得天竺藤杖外圓與此不類而中相若李子文游天台紀

年藤為杖者難辨不知經幾風霜當是瓊奇物味

翁想當年藤杖歌我有天台萬年藤持贈吳下蓬初

自金庭宮携歸曉夜但拂拭重之不異長生桐翁昔

蕭范陸長城笑把偏師攻歐陽黃九柳秦七新詞待

却如四十同況有才子籍早通兼珍之膳潔且豐人

生快意亦已足豈必入海求方蓬西堂日煖花滿欄

楊梅漸紫櫻桃紅翁來期我花下酌清晨扶杖葑門

東壘紙戢戢抽詩筒看翁游覽與未窮木循練瀆山

穹廡長松樹底芝草叢四上下與翁送杖谷杖兮

藉汝

華頂杖天台紀勝天台山出仙樹杖皮日休華頂杖詩金陵仙樹杖

過客自携持探洞求丹粟挑雲覓白芝量泉將濯足

關鶴把支頰以此將為贈唯君盡得知陸龜蒙相襲

美華頂杖詩萬古陰崖雪靈根不為枯瘦十霜鶴腰

奇是墨龍鬚拄訪元談客持看畫圖披雲如有路

兼可到  
仙都

銀 赤城志出天台赤巖

鉛 赤城志出天台赤巖郭婆坑等處

銅鐵 赤城志寧海縣龍鬚山產

鐵砂 崇禎寧海縣志東溪出冶者陶鍊成之

方石 輟耕錄委羽山中藏洞穴其側產方石周正光

澤五色錯雜雖加琢磨殆不是過大者三四分小者

比米粒碎之亦無不端方

印石 天台方外志石之丹者如霞青者如黛然求

其美者不可得惟寶花山所出者可為圖書潢水山

所出僅可為研

碑石 台州府志太平縣石蒼山產石可為碑黃監山

石可為橋梁柱礎居民利之

花乳石 天台山志寶華山產色如瑤瑁瑩潤堅潔可

愛李德裕謝寄石詩聞君採奇石剪斷赤城霞林逋

謝天台僧寄石枕詩斷石自何許枕之懷赤城皆謂

此也

花藥石 萬歷仙居縣志出三十八都大洪地後為里

人焚碎不可用

荔枝石 萬歷仙居縣志出四都又有羊肝石

寶拳石

宣和石譜

天台縣石多華出土中其質頗與

萊州石相類扣有聲色微白紋理斑斕土人鑄龍作

皿器或為鐺銚但經火不甚堅久



勅修浙江通志卷一百五

五保堂

